

贛州府志卷之十七

方外志

岱包培塿海納涓流竒聞異教轉採蕪收
俯仰今昔漁獵陽秋稗官是禪豈曰贅
志方外第十二

仙釋

張麗英字金華寧都石鼓山下居人岱之女
有竒光不對鏡但對白紈扇長沙

吳越過贛聞其異強委禽焉女時年十五



使來登山仰卧被髮覆石鼓下人謂其死芮
使人往視之忽紫雲鬱起失女所
冲舉時
歌詩十八章今存其五
一曰石鼓石鼓悲哉
下土自我來觀民生實苦
二曰哀哀世事悠
悠我意不可
闕今王威不可奪
芳余志

有鸞有鳳自舞自歌何爲不去蒙垢實多
四曰凌雲爍漢遠絕塵羅世人之子於我其何
五曰暫來期會運往卽乖父兮毋兮無傷我

石鼓 處黑色直下儼

人號爲張女髮屢禱雨有應宋

靈泉普應真人

劉瑤英秦末人隨父華避亂石城琉璃山因食
異果遂絕粒容貌頓改獨棲縣西二十里山
上跨一白鶴往來後竟仙去後人因名其山
爲仙姑嶺

安道士不知何許人南宋元嘉中披服巾褐來
棲贛赤石山中數十年忽失所在不知所之
時有復見之者竟不可卽

圓明蘄黃人唐武德中往曹溪禮六祖道經贛見一青蛇橫道叱去復來心忽覺悟四顧山勢清高遂以錫杖插其處祝曰曹溪還此杖存是吾道場也三年返錫杖如故遂創寺居焉一日跌化

馬祖道一禪師什邡縣人姓馬氏自幼出家容貌奇異牛行虎視引古過鼻足下有二輪文唐開元中習禪定於衡嶽遇讓和尚密受心印始自建陽佛迹嶺迤至臨川入贛棲

水東佛日峰之巖一夕山鬼爲師築垣師曰學道不至乃爲邪鬼所測此非吾居也去居城北龔公山四方學者雲集座下如百丈懷海南泉普願西堂智藏五臺鄧隱峰襄州龐居士靈照女等一百三十九人皆入室弟子貞元四年二月一日于建昌石門山沐浴踰跌入滅元和中謚太寂禪師塔曰大莊嚴相國權德輿爲之銘今龔公山相傳有鄧隱峰松龐居士竹靈照女蓮蓋當時遺跡云

西堂智藏禪師馬祖之上足也師爲度化廖氏子七歲出家有相者睹其殊表謂之曰骨氣非凡當爲法王輔佐年十三首事馬祖於臨川西裏山又七年遂受具法祖欲示化自鍾陵結茆龔公山與師益相親付授衲袈裟元和十二年四月八日歸寂初謚大宣教禪師再謚大覺禪師塔曰大寶光郡守唐技爲之銘碑見豎寶華寺

處微禪師西堂智藏法嗣也師問仰山汝名甚麼山曰慧寂師曰那個是慧那個是寂山曰祇在目前師曰猶有前後在山曰前後且置和尚見個甚麼師曰喫茶去

廉泉院曇秀禪師僧問滿口道不得時如何師曰話墮也問不與萬法爲侶時如何師曰自家肚皮自家畫問如何是學人轉身處師曰掃地澆花曰如何是學人親切處師曰高枕枕頭曰總不恁麼時如何師曰鶯啼嶺上花發巖前問如何是勲僧口師曰殺人不用刀

梁真人無名籍初入雲都北斗山紫霄觀學道
道既成將僊去朝中有聞遣殿使來召真人
市脯酒爲勞齋暈同釜以瓢浮面隔之殿使
臨視曰齋未熟而暈先熟何也真人曰火候
未到待拾薪來已而折檜一棧倒植釜傍遂
登木杪浮雲而去使懼無以復命因自殺今
爲北斗山神祠祀之

蕭福保寧都人故樵者一日偕其侶入山道逢
蛇戲一蛛福保拾而寘之衣帶間行不數武
珠墮地蛇隨後來戲如前福保異之復取含
諸口不覺下咽頃臾遍體熱燥難堪渴欲飲
水因浴潭中視兩腋皆生鱗甲大驚駭囑同
侶促其妻來至則下潭中俱化龍而去今猶
潛靈于諸山湫四時能作雲雨歲旱禱之輒
應

謝仙翁瑞金人後周時登龍霧障採樵偶于池
側見二女奕從傍觀之女食桃遺核因取食
之不饒奕罷恍失二女所在謝駭而歸不知

若干年矣後翁入山莫可踪跡時有見者急
追之莫能及里人爲立祠名曰寶仙呼池曰
仙女

僧伽姓吳名文佑生于五季時家信豐祝髮爲
僧聞顛岬山異秀杖錫攀躋蛇馴虎伏居久
之去零止明覺弄僧伽院狎狂不飭細行飲
酒食肉與市井浮沉嘗持松梢行歌曰趙家
天子趙家王人莫測其所謂皆咲爲狂蓋謂
宋將興也見爲善者揖之見兇惡者則詈爲

狗彘群兇凌之輒竄入山呼曰大園
竹好埽屋浹旬竹枯盡其家亦替人始驚異
焉院後舊有竹林中一竿特巨僧伽常五夜
擊竹而歌寺僧疾其囂伐巨竹俄而芝生其
根邑人曾德泰垂老無嗣異僧伽欲延之飯
未及召且已先歿其門飯罷語之曰當以珠
報曾果生二子佛子孫德俊之汀州武平謁
定應禪師師曰汝零陽有佛何爲禮我孫告
歸因寄一扇與僧伽舟還甫巖岸僧伽卽來

迎問曰吾師寄扇安在由是邑人皈依號爲
生佛祥符己酉六月十六日趺化邑人不忍
火塑其肉身祠焉化後忽有竹生其牀下遇
水旱疾疫兵火隨禱響會開禧初勅封靈濟
禪師嘉熙加慈祐咸淳加慧應解學士縉紀
其事甚詳

堯率從悅禪師贛州熊氏子初謁雲蓋智和尚
令見洞山文和尚深領奧旨後嗣真靜僧問
如何是祖師心印師曰滿口道不得曰祇這

個別更有師曰莫將支遁鶴喚作右軍鷲問
如何是堯率境師曰一水挾藍色千峰削王
青曰如何是境中人師曰七凹八凸無人見

百手千頭祇自知一日潛使無盡居士張商
英按部分寧請五院長老就雲巖說法師最
後登座橫拄杖曰遠來諸善知識橫拈豎放
直立斜拋換步移身藏頭露角旣于學士面
前各納敗闕未免喫堯率手中痛棒見事不
平爭恐得衲僧正令自當行卓拄杖下座室

中設三語以驗學者一曰撥草瞻風祇圖見性卽今上人性在甚麼處二曰識得自性方脫生死眼光落地時作麼生脫三曰脫得生死便知去處四大分離向甚麼處一日無盡居士投偈曰鼓寂鍾沉托鉢回巖頭一撥語如雷果然只得三年活莫是遭他受記來師於是焚香付囑曰等閒行處步步皆如雖居聲色壘滯有無一心靡異萬法非殊臨機不得應物無拘翻身魔界轉脚迷途了無逆順不犯工夫元祐六年冬浴訖奄然而化其徒遵師遺誠欲火葬捐骨江中無盡居士遣使持祭且曰師于祖宗門下有大道力不可使來者無所起敬俾塔於龍安之乳峰爲特請于朝追謚真寂大師

慈雲寺明鑑長老魁梧如所画慈恩然叢林以道學與之蘇東坡自海南至虔州以水涸不可舟逗留月餘時過慈雲浴作偈戲之曰居士無塵堪洗沐老師有句借宣揚函前只見

繩鑽紙門外時間佛放光遍界難藏真薄相
一絲不挂且逢場却湏重說圓通偈千眼薰
籠是法王

贛州顯首座賦性高逸機辯自將保寧勇禪師
以子育之因示以神劔頌提得神鋒勝太阿
萬年妖孽盡消磨直饒埋向塵泥裏爭柰靈
光透匣何顯曰謾效顰亦提得一個勇曰何
不呈似老僧顯便舉云凜凜寒光出匣時乾
坤閃爍耀潛輝當峰坐斷毗盧頂更有何妖
作是非勇曰忽遇天魔外道來時如何顯以
坐具便掀勇作顛倒勢顯拂袖行勇曰且來
顯曰且去掘窟勇笑而已尋謁端禪師於白
雲端稱於衆待以猶子之禮一日端與淨居
瑤公游水磨顯偕數衲先在遂侍端右瑤曰
顯兄且莫妨穩便端曰從佗在此聽說話顯
曰不曾帶得標手錢來便行二老相顧爲之
解顏旣而游湘西寓鹿苑真如禪師使之分
座接納久而歸灑上或傳住西堂而終顯之

參保寧如太原孚在雲峰及趨白雲似大禪
佛到霍山雖具有體裁何竟無聞哉得非谿
邊老嫗喚其舊名耶宋釋子曉瑩傳之羅湖
野錄

李思聰韜縣人自幼入祥符宮爲道士嘗遇異
人與一寶鏡曰此神遊指南也思聰得鏡覺
有神異每闔戶懸鏡而卧移日方輿輒憶其
所遊洞天海嶽諸處模寫爲圖并題詠之皇
祐間乾元聖節將臨以所繪六圖併詩呈府
郡守爲之驛上以祝聖壽上喜甚賜號洞淵
太師冲妙先生遣中使賫香茶絹疋臨賜一
日羽化去

合龍山小道者韜縣北百里有合龍山地荒寂
無人居有一僧不知從何來卓草庵于山下
農民姜氏生一男出胞卽重眉長三尺不食
母乳日自長大七歲猶不能言父母怪之與
僧爲徒呼小道者遠近傳說其異宋仁宋朝
令卽縣津送至京入官忽能語至尊喜詔削

髮爲僧御筆賜名行本時年十二錫賚珍物并后妃所賜金銀數直千萬餘貫放還鄉以所賜創爲大寺其師市木于虔化深谷中方以輦載爲憂忽一夜大雷雨江漲合圍梁棟隨流而至庵前衆咸驚嘆爭助金帛工甫就行本對佛合掌跣趺而逝首尾纔五年耳今寺中金龕羅漢及御書法名尚存棟宇皆良材雖厠溷亦櫛木或有欲易爲什噐者必遭蛇虎之害一鄉敬事之至今不衰云

徐繼先

王齊祥俱石城太極觀道士宋大中

祥符中里有許家女爲鬼所魅家人禱于龍虎山張真人曰汝邑太極觀有二仙盍自近求之乎許亟還扣觀門見二道人於紫竹臺對奕前詣乞哀道人曰豐干饒舌援筆書符于許之掌令往某廟爐內薰之須臾雷起廟焚其妖遂息二道人投筆草中卽去莫知所之後有商于金陵者遇之塵市中語曰汝賈吾鄉其利當倍若往願寄二饅首于吾師商

登舟引帆睡未覺而舟已至卽以饅首界其
師熱氣猶浮浮人始知其爲仙去云

劉繼先籍貫無攷修煉于貢水東玉虛觀常坐
觀之棘叢中隱隱有祥光覆其上提刑某自
城中望見知其異人也固邀入城至水際忽
凌空而去或有言在空同山者尋跡之雙跌
隱石上竟不知所往今觀有五丹井最後有
丹臺則繼先所坐叢棘處也宋治平中賜觀
額 明永樂庚寅大學士解縉紳書碑紀其

事詩曰卯金煉丹度水東便坐荆棘蔭竹叢
丹成虎氣起天虹振衣白日飛行空鏘然鸞
鳳鳴空同有趺石上遺靈踪後來作者慕效
同禦災捍患禳媾凶橐籥水火鼓雷風祝釐
萬年四海豐生祥下瑞萬福崇大庇庶物熙
天功

田純靜自浙至贛脩煉于景德觀一日辭檀越
屍解朝天門外令人棄之江中江水湍急尸
不流口猶頌云六十八年老拙平生不會紐

捏今日撒手便行獨伴清風明月蓋元時人也

趙原陽名宜真宋武功郡王昭德十三世孫父
爲安福令因家焉幼穎敏好讀書例試入京
以病阻夢神人語曰汝吾家人何羨世資乎
因棄儒學道師曾塵外授清微諸法師張天
全得金蓬頭金液內外丹訣又師李全得白
玉蟾之學嘗於吉白鶴山永興觀結茅以居
洪武初寓雩都紫陽觀煉金液還丹之道壬
戌沐浴更衣書榻上云遁世和光了幻緣緣
消勿滅獨超然清風遍界無遮障赫日當空
照大千書罷擲筆於地雷電交作風雨晦冥
倏然而逝後三日棺殮顏色如生汗流遍體
塋于觀之後山其徒劉淵然卽以正以所賜
金帛請於 朝作觀祀之賜名紫霄景泰六
年贈崇文廣道純德原陽趙真人

劉淵然潁縣人亦祥符宮道士初拜陳方外爲
師授雷法又詣雩都紫陽觀師趙原陽授丹

詠呼召風雷有驗洪武癸酉召至京師見

便殿賜號高道洪熙初封冲虛至道玄妙無

爲光範演教莊靜普濟長春真人領天下道

教事賜二品銀章宣德壬子乞骸骨 宣廟

特賜御製山水圖歌送歸南京朝天宮養老

歌曰東華之東湛明景彩霞環繞蓬萊境瓊

芝瑤草春不窮丹光夜動黃金鼎淵然老仙

空同客萬里歸來此棲息手持如意青芙蓉

兩臉朝紅頭雪白頭上玉琢冠身中雲繡衣

朝朝飛神馭炁超汗漫直上太清朝紫微腰

間騰龍雙寶劍秋水光晶含漱灑嘯風呼靈

作霖雨屢注仙瓢蘇下土功成歛用歸希夷

玄天至道本無爲眼看民患忍坐視恤人亦

體天之慈且來謝別何匆匆騎鶴竟渡江之

東江東龍盤虎踞五雲表鍾山翠接三茅峰

茅家兄弟青冥上白日騎鸞定相訪還來赤

松子亦有安期生上朝南極壽昌星好山好

水清且明西方出金桃南斗斟雲液長生有

曲舞且歌年過廣成千二百後年八十二始
卒比入殮凡七日端坐如生

僧明圓從幼出家意欲選勝駐錫携其徒自靈
都至會昌得漢溪巖遂從諸檀越乞居焉衆
曰是榛莽之區而蛇虺之窟也惡乎居明圓
曰但發菩提心當爲山靈呵護未可知願試
往乃止其徒於外獨身入巖幽處冥心寂坐
中夜鬼擲沙石盈膝前不爲動詰朝諸檀越
來視見其趺坐晏如異之楫令起曰未也因
合掌望空作禮曰山靈果許我居此當以鍾
鼓三聲爲信祝未已彭錡應之如響衆大異
之勸施盆集於是明圓誅茅結庵建觀音堂
于其中盖隆慶六年三月間事也第出入從
石上攀躋頗覺艱澁而左石壁路可通又無
柰難施斧鑿何明圓日夕向石壁持唄咒不
輟至五月十四日未刻倏忽雷電晦冥劃然
石開五尺許見者益太駭異自是人可駢肩
行而山之竒跡日顯遊覽者日益衆名公題

味至謂可比閩之武夷云夫太華兩分擘以巨靈之手中巖三裂扣以神僧之鑰疇昔竒詭之跡類如此今明圓舉念而石自爲開此其精誠之極感召山靈可與太華中巖爭雄矣

江東神附

江東神姓石名固贛縣社富人生于秦旣歿能爲神漢高帝六年遣穎陰懿侯灌嬰將兵擊南粵尉佗神降絕頂降告以捷期已而凱旋遂祠神於崇福星靈跡顯著唐大中元年里人周諒符爽卜江東之雷岡作新廟琢石爲像初建時天地晦冥吳錄事暨蕭司戶遣康黃二衙官先後往視皆立化吳蕭二君亦繼亡今奉爲配神建炎三年隆祐太后駐蹕於贛金入完顏入皂口彷彿見神擁陰兵遏之阻不敢進高宗賜赭黃袍瑪瑙帶以旌其功其他靈異詳見司崇宋景濂先生記中宋元累加封號國朝洪武戊申肇舉祀典壬申

章州府志 卷之三
改祭春秋

方伎

楊筠松竇州人唐僖宗朝國師官至金紫光祿大夫掌靈臺地理事黃巢破京城乃斷髮入崑崙山步龍一過虔州以地理術授曾文迪劉江東諸徒世稱救貧仙人是也卒于虔葬雩都藥口

僕都監逸其名俱善青烏術官司天監都監黃巢之亂僕與楊筠松避地於虔化遂以其術傳中壩廖三傳三傳傳其子瑀瑀傳其壻謝世南世南傳其子求錫云

曾文迪雩都人自幼穎敏凡天文讖緯黃庭內經之書靡所不究而地理尤精梁貞明間遊至袁州萬載愛其縣北西山之丘謂其徒曰死塋我于此及卒如其言塋之後其徒忽見於豫章駭歸啟墓視之則空棺也人以為尸解云所著有八分歌二卷行於世

廖瑀字伯禹年十五通五經鄉人稱廖五經建

炎中以茂異薦不第後精其父三傳堪輿之術得金精山善地自稱金精山人所著有懷玉經

劉江東雩人楊筠松避亂至虔州江東因同曾文迪等傳其術初楊與曾並不著文字江東稍有口訣其裔孫謙爲宋吏部郎中知袁州事乃著囊金七篇詞旨明達人傳誦之

卜則巍字應天贛縣人精于形家言著作甚富而今所傳者止雪心一賦雖旨趣不甚精奧然業地理者必以是書爲入門亦術之名家者矣

彭雷巖贛縣人玉虛觀道士以祈禳方伎顯於元盛時頃刻間能致風雲人有疾疫立能愈之其魑魅爲怪者禁使絕跡解學士縉紳謂其得劉繼先遺術云

廖均卿瑀之裔成祖卜壽陵久不得吉壞永樂七年仁孝皇后未葬禮部尚書趙玘引均卿至昌平縣得縣東黃土山最吉車駕卽

日臨視定議封爲天壽山命武義伯王通等
董役授均卿官

劉漳贛縣人以吏滿考授樂昌高勝巡檢 宣
廟時以寫真得幸改鴻臚寺序班入內供奉
尋陞錦衣衛鎮撫副千戶

王純贛縣人工水墨画所作人物樹石意趣天
然而筆法亦覺蒼古人稱爲石林画史

袁嘗字仰夏雩都人棄儒明医瀕死者輒能起
之鄉人召請卽地險僻天大寒暑走應之無
倦色又能呼風霆役追見物歲旱爲民祈禱
雨輒應邑東五里靈泉巖古渡下有巨潭怪
物作崇歲溺者無筭嘗書符焚潭中旬日雷
雨晦冥山頂石隕於潭其患遂息生子淳第
進士官御史

論曰僊釋方伎于文獻亾禪略之可也然釋
之見性明心老之致虛靜篤均之翛然物外
者 國家功令不以逢掖而擯緇黃非以二
氏之學之不可廢耶百家衆技業擅專門往

往稱迹於後世太史公傳扁鵲倉公目者有以也今仍舊志增其二三故稱方外云

穎州府志卷之十八

紀事志

天人之際古今之岐平陂徃復事與時移失得俱在法戒昭垂繇今視昔百世可知
志郡事第十三

邵事

漢高帝六年庚子遣穎陰侯灌嬰畧定江南置豫章郡穎雩隸焉時南粵接壤尉陀數擾邊嬰將兵擊之駐于雩築城東溪後克捷雩人

卽其駐壘處立廟祀之名曰昌文侯廟廟今
廢嘗有人掘其地出石瓦可爲硯太守洪邁
有灌瓦硯銘銘曰范土作瓦旣埴旣已何斷
制於火而卒以囿水廟于漢侯今千幾年何
址麗祀歇而此獨也存縣顛之雩曰若灌池
硯爲我得而銘以章之

晉建武元年丁丑振武將軍周訪征杜弢戰於
豫章弢退保廬陵訪勒兵圍廬陵弢突圍而
出入南康太守虞潭擊走之

太元八年癸未南康大水平地五丈

太元十年乙酉十月錄淮淝功遷大都督謝石
爲中軍將軍尚書令封南康郡公

太元十八年癸巳六月巳亥南康大水深五丈
太元二十一年丙申正月丙子木連理生寧都
縣社後

義熙六年庚戌徐道覆反道覆廬循之姊夫也
循權假廣州刺史時署道覆爲始興相道覆
密欲裝舟艦乃使人伐船材於南康山僞云

將下都貨之後減價錢市于郡人及舉兵按券取還旬日而船板大積舟辦遂與循寇下流南康廬陵豫章諸郡皆陷時諸葛長民率衆入衛表曰妖賊伐船集木而南康相郭澄之隱蔽經年罪合斬詔原之道覆載敗還始興循走交州皆被殺傳首京師

義熙八年壬子自正月至四月南康郡地四震義熙十三年丙辰尚書左僕射劉穆之卒以佐命元勳追封南康郡公孫邕嗣邕性嗜食瘡痂以爲味似鰻魚南康國吏二百許人不問有罪無罪遞與鞭笞瘡痂嘗以給膳邕子彤嗣齊改南康縣公以罪廢降封彤弟彪南康縣侯

南宋元嘉二十二年乙酉二月白鹿見贛縣郡相劉興祖以獻

孝建元年申午封始興太守沈法系平固縣侯食邑千戶

泰始元年乙巳晉安王子勛反於尋陽贛令蕭

贛州府志 卷之九
三
贛拒不從命繫于郡獄已而出獄舉義襲豫
章敗之封贛縣子邑三百戶固辭不受周靈
氏以軍功封贛縣男食邑三百戶

齊建元元年己未褚淵以佐命功建司徒改封
南康郡公食邑三千戶又王庶之勅仕武帝
以征伐功封寧都縣子晉封爲侯

建元四年壬戌三月白虎見虔化縣

永明中封褚淵子綦南康郡公封蕭子恪南康
縣侯弟子顯寧都縣侯

永明八年庚子封第十九子子琳爲南康王改
褚綦爲巴東郡公

永元二年庚辰封明帝第八子寶融爲南康王
後卽位於江陵是爲和帝

梁天監元年壬午封呂僧珍平固縣侯封平南
將軍楊公則寧都縣侯子朏嗣

天監七年戊子封第四子績爲南康王子子會理
嗣

大同八年壬戌安成人劉敬官挾妖道聚黨攻

郡轉寇南康屠破縣邑有衆數萬內史張綰督兵平之

太寶元年庚午始興太守陳霸先起兵討侯景正月發始興遣主帥杜僧明將二千人次大庾嶺蔡踞養據南康郡以二萬人軍於南野踞養妻侄蕭摩訶年十三單騎出戰無敵當者僧明馬被傷霸先救之授以所乘馬僧明上馬復戰衆軍因而乘之踞養大敗脫身走

霸先進軍南康修崎頭古城徙居焉

夏五月高州刺史李遷任反據大臯口遣帥杜

平虜將兵入灑石城魚梁以逼南康陳霸先命主帥周文育擊走之高臯太守馮寶妻洗氏襲破高州遷仕棄太臯奔寧都寧都人劉藹等資以舟艦兵仗將襲南康霸先遣杜僧明率二萬人往援築城於皂口拒之遷仕亦立城相對二年三月僧明等攻破水軍拔其城走平虜擒遷仕送南康斬之洗氏與霸先會於灑石湘東王繹承制以霸先爲江州刺

史領豫章內史霸先發自南康水暴起數丈
三百里灘石皆沒

陳末定元年丁丑追封弟武康縣公休光南康
王子曇朗襲封未受爵薨子方泰嗣封從孫
諡度化縣侯敬雅宣都縣侯敬泰平固縣侯
各食邑五百戶

大建三年辛卯以南康王方泰爲廣州刺史

大建七年乙未十二月甲子南康獻瑞鍾一

隋大業十二年丙子冬鄱陽賊帥操師乞反以

鄉人林士弘爲大將軍攻陷郡邑詔遣治書

侍御史劉子翊將兵討之師乞中流矢死士

弘收其衆復大振衆至十餘萬據虔州自號

南越王已而僭號楚稱皇帝諸郡邑多殺守

令以附士弘北盡九江南盡番禺悉爲所有

唐武德五年士弘請降尋死其衆遂解

唐武德七年甲申改南康爲大督督府統嶺外

十一州九年廢

景雲元年庚戌睿宗以誅逆常功拜郡人鍾紹

京中書令越國公實封五百戶賜物千段奴
婢二十人第一區良田千畝雜物稱是

大曆九年甲寅循州刺史哥舒晃反殺節度使
李崇貴詔江西都團練使路嗣恭兼嶺南節
度使統五嶺討之駐於虔秋毫無擾民悉感
德爲建生祠刺史孟瑤聞於朝顏真卿爲之
記子應刺虔亦有惠政

大曆十三年戊午代宗召江西判官李泌入見
因言朕面屬卿於路嗣恭而嗣恭取元載意
奏卿爲虔州別駕嗣恭初平嶺南獻琉璃盤
徑九寸朕以爲至寶及籍載家得嗣恭所遺
載琉璃盤徑尺俟其至當與卿議之泌曰嗣
恭爲人小心善事畏權勢精勤吏事而不知
大體虔州別駕臣欲之非其罪也且嗣恭已
新立大功豈能以一琉璃盤罪之耶上意乃
解召爲兵部尚書

貞元十五年己卯封司徒中書令常臯南康郡

王

元和六年辛卯刺史張署奏免度支折州民歲租縣六千屯

元和七年壬辰虔州暴水平地深至四丈

長慶某年刺史李渤乞蠲本州賦米二萬石減冗役一千六百人上狀觀察使代爲之請允之

大中初年虔州獲六眼龜一夕而失

乾符五年戊戌冤勾賊黃巢引兵渡江攻陷吉虔等州趣廣南陷廣州

光啟元年乙巳春正月州人盧光稠據州自稱刺史以里人譚全播爲謀主是時南方群盜起全播謂光稠曰天下洶洶吾等獨守此貧賤何爲乃倡議聚兵衆推全播爲帥全播曰欲成功當得良帥盧公堂堂真吾儕主也因拔劍擊木三斬之衆懼乃立光稠出兵取虔韶二州至梁初江南嶺表悉爲吳與南漢分據而光稠獨以虔韶請命京師願通道輸貢梁遂以稠爲百勝之軍防禦使兼五嶺開通

使

光啟元年乙巳正月叛將秦宗權責租稅於光州刺史王緒不能給宗權怒發兵擊之緒懼悉舉光壽二州兵五千人渡江轉掠虔州是月陷汀漳

天復二年壬戌盧光稠出兵攻嶺南使其子延昌守虔遂陷韶州清海節度副使劉隱攻韶州其弟巖曰延昌有虔州之援首尾受敵未可遽取隱不聽會江漲餽運不繼虔援兵至譚全播伏精銳萬人於山谷中以羸弱五千挑戰偽北清海兵急追之伏發大敗於城南隱奔還因盡以兵事付巖全播凱旋悉讓功於諸將光稠益賢之

梁開平三年己巳盧光稠死子延昌自稱刺史爲其將黎求所殺將謀殺全播全播稱疾不出求自立暴卒更推循將李彥圖總州事彥圖死鍾傳盡劫其衆欲遣子匡時守之州人屬譚全播請命於梁拜防禦使

梁開平四年庚午鎮南留後盧延昌表其將廖爽爲韶州刺史

梁貞明四年戊寅僞吳楊隆演遣王祺會洪袁信三州兵攻虔韶久之不克祺病以劉信代之信圖虔州日久亦不能下使人說譚全播出降遣使報平章徐溫溫怒曰信以十倍之衆攻一城不下而反用說客降之何以威敵嘗其使遣之曰吾以管信也因命濟師遂破城執全播歸廣陵虔人吳勅人有誣信逗留陰縱全播者信因獻捷至金陵與溫博厲聲祝曰信若不肯吳當成渾花一擲六子皆赤溫慙謝全播治虔七年有善政卒年八十五南唐保大元年封弟景邊爲保寧王徙封信王出爲虔州節度使簡易節儉虔人安其政賴令卒尉邵繼良揖令以令成喪日張樂宴飲景邊立奏黜之排斥浮屠獨尊六經名教在鎮十一年卒贈中書令謚昭順

南唐保大初有神降於羅縣民家縣吏張遇賢

事之甚謹會循州盜起無所統禱於神神曰
 張遇賢汝主也衆遂立之神告取虔州則大
 事可成遇賢乃僭號改元虔嶺襲虔州節度
 使賈匡浩不能禦遇賢據白雲洞衆十餘萬
 元宗遣洪州營屯都虞候嚴恩率所部討之
 通事舍人邊鎬爲監軍虔有書生白昌裕沉
 密有謀鎬引與定計刊木開道襲白雲洞潰
 其衆裨將李台執遇賢以降斬于金陵市

宋太平興國七年壬午雩都九州鎮掘井得甓

甓十二其上皆有會昌篆文事聞因以名縣

雍熙二年乙酉虔州吏李祚家馬生駒足各有
 二距

大中祥符八年乙卯寧都金精山石崖產瑞草
 松枝生瑞花知縣邢芳繪圖以獻

景祐二年始置江浙湖廣福建等路都大提點
 坑冶鑄錢一員元豐二年因三司請增鑄錢
 官一員定爲兩司一在饒州一在虔州在饒
 者領江東淮浙七閩在虔者領江西荆湖二

廣紹興二十六年罷提點官令逐路轉運司交割二十九年從左司諫何溥言復於饒贛置司輪年守任專以措置坑冶督責鼓鑄爲職歲額十百六十餘萬貫乾道六年併歸發運司七年復舊除王楫李大正二人分認課額王楫謂饒州一司難于措辦欲於贛州司內撥江州吉州撫州興國軍隆興府隸饒州從之淳熙二年併贛州歸饒州王楫專爲提點官加都大

皇祐四年壬辰七月儂智高陷韶州九月以孫沔爲江西路安撫使率兵至虔立防禦操練之法使賊不得度嶺

治平元年甲辰以宋城蔡挺提點江西刑獄兼提舉虔州鹽法時鹽寇千百爲群患苦州縣挺諭所部與期使自首納噐甲原其罪得兵械萬計盜賊從此衰息又簡僚吏至淮轉新鹽絕私販弊竇歲增賣鹽四十萬遷郡學於城東南豐樂寺市田購書以待學者王安石

爲之記

元豐三年庚申江南西路提舉茶鹽使蹇周輔請通廣鹽先是州食淮鹽運自真州後由汀至虔旣苦惡不可食而盜販更多官民患苦至是請罷淮鹽通廣鹽於虔州南安軍民稱便

紹聖元年甲戌蘇學士軾再貶寧遠軍節度副使惠州安置八月二十一日過虔與陽玉巖同謁祥符宮宮中妙法象冲妙先生李思聰所製也東坡拜九天使者堂下憂患之餘以籤卜之得英真君第三籤中有執心堅固見善勤學之句東坡再拜受教又與霍守李倅更和鬱孤臺詩又題天竺白樂天石刻及贈玉巖翁詩越七年始度海北歸

紹聖四年丁丑以紹述說行連貶呂大防舒州圍練副使安置循州行至信豐病語其子景山曰吾不復南矣吾死汝歸呂氏尚有遺種乎遂卒年七十一天下哀之墓在信豐南山

寺之右

政和元年辛卯虔州芝草生

建炎三年己酉金人南侵宰相呂頤浩議幸武

昌爲趨陝之計高宗移蹕建康請隆祐太后

奉神主如江西秋七月詔端明殿學士滕康

權知三省樞密院事吏部尚書劉珪爲貳護

從以行又命四廂都指揮事楊惟忠將兵萬

人以衛至洪州劉光世江防不密金人絕而

渡和江州歸相康城走金人遂由大冶趨洪

州連陷臨江軍袁撫二州滕康等倉卒奉太

后至吉安金兵追急乘舟夜行質明至泰和

舟人景信及楊惟忠兵潰滕康等遁兵衛不

滿百珪奉太后及潘貴妃自萬安以農不肩

輿如虔州虜人追御舟至皂口不及而還時

虔中府庫皆空衛兵所給惟得沙錢帝買不

售與百姓交鬪縱火肆掠太后震驚士豪陳

新輩以赴難爲名象幾萬寨於梅林進逼南

門楊惟忠部將胡友自外引兵呼城內兵出

戰新中流矢死衆遂潰散已而金人陷吉州
還屠洪州四年夏四月帝遣廬益辛企宗等
奉迎太后還越康珏皆貶秩辛幼安題皂口
詞云鬱孤臺下清江水中間多少行人淚西
北是長安可憐無數山青山遮不住畢竟東
流去江晚正愁予山深聞鷓鴣

紹興二年壬子固石洞賊魁彭友與吉盜連兵
寇掠循梅廣惠南建汀仰諸郡高宗命神武
右軍都統制岳飛討之飛至虔友出戰麾兵
卽馬上擒之餘賊退保固石洞洞高峻環水
止一徑可入飛夜列騎山下令皆持蒲質明
遣死士疾登賊衆亂棄山而下騎兵圍之賊
請降飛受之盡散其衆建青塘平頭二寨捷
聞高宗手書精忠岳飛字製旗以賜勅以震
驚太后之故有密旨令屠虔城飛請誅元惡
宥脇從不許請至三四乃許之虔人戴德甫
像祠焉飛行師有紀律士卒托宿市廛明旦
爲主人汛掃門宇洗滌釜盎然後去太守供

帳如餞謁未及通已雜偏禪行矣其嚴肅如此

紹興三年癸丑提刑鄭謨守臣趙彥操以贛灘險難於漕運請蠲上供米之半先是歲額運米一萬八千二百六十九石除七千二百石應付南安軍大傳石龍兩寨兵糧外實運米一萬一千六十九石後增至二萬民益不堪至是得旨始減半云

紹興二十二年壬申七月東南第六將校齊述以八營四千人據州以叛脅附者又四千人

高宗命龍神衛四廂都指揮使忠州團練使李耕護殿陛之師致討尋命守贛耕至軍于獅子岡劉綱以洪州兵駐城之東南張寧以循州兵駐城之南張訓通以鄂州兵駐于北陳敏以福建兵駐于東鄧酢以盜都民兵扼水東王厝陳修年以漕屬給餉十一月耕促雲梯天橋徑薄東北隅神臂弓交發命中砲十三梢飛石相屬敢死士先登賊棄城巷戰

耕督麾下躡之賊敗絕西城訓通綱扼其衝
半溺于江餘轉走城南突張寧寨士鏖戰一
賊不得縱耕築京觀列功狀以聞將士遷秩
有差桐鄉朱翌作紀功碑

紹興二十年乙亥州民毀歛屋桷柱木上有文
曰天下太平郡守薛弼以爲異遂獻之遣當
郊祀而太廟生芝州有此獻秦檜大喜乞詔
付史館又請製華旗八面紀祥瑞焉弼檜之
門客也

紹興三十年庚辰江西轉運副使程大昌以歲
歉出錢十餘萬緡代輸南贛夏稅折帛

乾道九年癸巳秋贛州螟
紹興二年己丑九月石城張遇龍文勝反于平
固連破石城寧瑞興雩五縣安撫李壽明通
判趙彥單督兵討平之六年松梓山賊陳三
槍反江西安撫使兼知贛州陳鞏破砦六十
斬三槍於隆興市

嘉定十五年壬午秋贛州螟

德祐元年乙亥江西安撫使知贛州文天祥奉
詔勤王使陳繼周發郡中豪傑并溪峒蠻有
衆萬人以家資給軍景炎元年命天祥開府
南劍州經畧江西天祥遣趙時賞等將一軍
取處都吳淩將一軍取雩都自引兵從梅州
出江西復會昌敗元軍於雩都復吉贛諸縣
遂圍贛州元將李恒遣兵援贛而自將襲天
祥於興國之空坑兵潰趙時賞等死之天祥
走循州先是過處都西北六十里竹林偶作
書有所徵發泚筆竹葉後竹生葉俱有一二
墨跡

元至元某年信豐寇起僉江西行中書省事李
世安出行部冒大雨夜行五十里黎明抵賊
所出其不意盡殲之以功陞行省叅知政事
後賊黨復聚凡一十七寨世安偵知賊衆兵
寡不輕進聲言脩道儲糗以待大軍之集賊
憚其威名出降乃誅首惡六人餘悉資遣之
地方遂安進行省平章

至元十四年丁丑以鄆頌爲隆昌萬戶討崖石寨太平岩諸賊有功十七年陞鎮國上將軍都元帥鎮隆興諸路兼管本萬戶事賜銀印至元二十六年己丑廣賊鍾明亮以循州叛轉掠寧都據秀巖詔江西行省左丞管如德統江淮及隣近戍兵討之如德遣使招諭賊卽擁十餘騎諸石城降兵不血刃而民獲安堵時有興國人白志熊從軍有功薦授五符中卽將鎮龍南如德在宋爲江州都統制能一手挽二弓至元十二年以城降元遂爲屬用君子惜之

至元二十八年辛卯七月徙汀州江西行樞密院於贛州

至元三十年癸巳二月以韶贛相去地遠分贛州行院官一員鎮韶州

元貞二年丙申峒寇劉六十僞立名號聚衆萬餘朝廷遣兵討之莫肯前進江西行省左丞董士選自請至贛先捕害民官吏治之尋進

兵興國距賊巢不百里悉寘激亂之人於法復誅奸豪之爲囊橐者於是民爭請自效不數日六十就擒餘衆解散得賊所書顛吉丁籍十萬焚之二郡遂安事平奏聞但請黜賊吏數人而已畧不及破賊事時稱其不伐顛學遭兵燹久廢至是士選爲之改建士允德之

延祐二年乙卯四月寧都州蔡五九聚衆鬼子蔡五王廟張漢高旗幟殺趙同知圍州城燒四關勢甚猖獗奏遣張驢會江浙兵討之王廟者邑妖祠也像設極魔怪人莫敢側目土人類縛生口以祭我軍見之畏縮押錄王榮叔獨奮義火之三火三滅乃取婦人褻衣幕神首一火而燼遂平其城石城弓兵朱伏成於木麻坑禽五九伏誅

至治元年辛酉潦蝗相繼明年民饑甚興國達魯花赤忽都必煮糜於邑之大乘寺飼餓者始四月朔訖五月中隣封皆接踵至所活二

十餘萬人學士滕賓記之

至正十三年癸巳江西行省叅政全普庵撒里分省贛州復設科取士上其名于京師命下儲撫軍院便宜授官時兵亂廢科目故有是舉因名顓榜

至正十八年戊戌九月二十四日僞漢遣將攻圍贛州城陷達魯花赤哈海赤暨江西行省叅政全普庵撒里晉死之先是全晉守贛以威漸著功名至正十六年陞江西叅政哈海赤代之政亦猛厲不可近十八年江西下流諸郡皆爲陳友諒所據有詔晉取袁州晉次吉安時員外吳彥誠爲吉顓總兵官其裨將明志高林伯顏武端等皆驍勇僞漢陳平章旣取江西遣宣尉幸文才等徇上流郡縣五月兵至吉安志高殺伯顏武端以城降全晉棄其師載輜重單舸還走顓與哈海赤同爲城守八月民間食盡九月軍無見糧而守益力父老懇曰食盡矣如一城生靈何哈海赤

知勢不可支語帳前軍校法昌等曰爾率民
兵血戰導我出城爾等還以城降我入南中
圖興復法昌等猶豫義兵萬戶馬合穆沙禿
倫互等殺晉以徇城中然後縛哈海赤出降
至城外哈海赤望見賊兵大罵已而曰與汝
戰者我也毋殺我百姓當速殺我遂遇害僞
兵入城忿其久不下燔劫一空居民殲焉明
志高以歸降署爲廣東都元帥至是城破稔
功愈驕幸文才殺之全晉守顓時懷謝氏宿
憾自成丁以上非遠徙則死狴犴且連逮其
親戚十七八家再至百安所沒入益復不貲
故死於帳下而人不憐

至正二十四年甲辰八月

高皇帝命平章常遇春指揮使陸仲亨會江西
行省叅政鄧愈討江西上流未附州郡旣復
吉安遂引兵趨贛時守將熊天瑞固守不下
帝命平章彭時中以兵會遇春等共擊之又
命中書右司郎中汪廣洋叅謀軍事諭廣洋

曰汝至顛可與遇春等言熊天瑞困處孤城猶籠禽阱獸豈能逃逸但恐城破之日殺傷過多要當以保全生民爲心一則可以爲國家用一則未附者勸且如漢將鄧禹之不妥誅殺高亨高爵子孫昌盛此可爲法向者鄱湖之戰陳友諒既敗生降其兵至今爲我用縱有逃歸者亦我之民前克湖廣禁軍士毋入城故能全一郡之民苟得郡無民何益廣洋見遇春等傳 帝命遇春乃浚濠立柵以困之天瑞子元震竊出覘兵勢適遇春亦從數騎出猝與相遇遣將士揮刀擊之元震奮鐵槌以拒且鬪且却遇春曰壯男子也舍之至是天瑞援絕糧盡遣元震出降天瑞肉袒詣軍門盡獻其地蓋次年正月也遇春送天瑞建康 帝聞克顛不殺喜甚遣使褒諭遇春曰予聞仁者之師無敵非仁者之將不能行也今將軍破敵不殺是天賜將軍隆我國家千載相遇非偶然也捷書至予甚爲將軍

喜維曹彬下江南何以加之將軍能廣宣威
德保全生靈予深有賴焉先是天瑞據贛加
賦橫歛旣降有司徵仍舊 帝曰此豈可爲
額耶命亟罷之并免甲辰秋糧之未輸者

洪武二月己酉三月徵江西贛州府興國縣逸
士鍾磐勅諭曰朕承上帝閔休載定大統不
切于求賢何以成無爲之治非樂于忘勢不
能致難進之賢聞爾鍾磐潛心經史博洽古
今蘊經國之遠猷抱致君之宏畧顧乃嘉遜
丘園不求聞達朕懷高誼思訪嘉言渴望來
儀以資啓沃夫古之君子隱居以求其志行
義以達其道當今開國之初而獨善自安豈
其本心諒爾於行藏之宜處之審矣特遣行
人趙彥可往詣所居徵爾赴闕仍賜禮幣以
表至懷爾其惠然就道以副朕翹待之意故

諭

洪武六年癸丑冬十月州人呂氏手植白牡丹
於庭冰雪中盛開狀若玉盤孟照耀風日

洪武十八年乙丑廣賊周三官謝仕真攻劫龍南信豐等處破其城焚掠甚慘三官河源宦家子殺人亡命仕真以造假銀事發遂與三官結黨倡亂一時烏合蟻聚至萬餘人明年統兵官尹和先計擒二賊子因乘勝督兵討平之

洪武十九年丙寅令天下縣令各立預備四倉官爲糴穀收貯以備賑濟就擇本地年高篤實人民管理本府建米倉于七里鎮四座八間建南倉於苑田建西倉于赤碓嶺各二座三間建北倉於大坪頭二座五間屬邑所建皆如郡

正統五年庚申歲大侵 詔遣重臣分行天下 邵縣勸民出粟所在富民應詔者旌義之仍復其家時贛縣呂彥文出穀六千餘石以實公廩有司上其事下褒勅勞以羊酒蠲其徭役九年秋彥文赴京謝 恩 進獻土物詔賜彩服二表褭大官酒饌鄉里榮之

正統十三年戊辰湖廣蔡妙光自稱傳度彌勒
佛教眉間一瘡痕名爲三隻眼蠱衆倡亂攻
破龍南尋討平之

景泰三年壬申信豐千戶所運軍奏稱本縣江
水洶洶灘石艱難乞免漕運船七隻從之

成化四年戊子寧都三江水合先是有三江水
合狀元來 識明年邑人董越果進士及第
是年以旱災 詔免秋糧子粒復議賑濟

成化十九年癸卯長河洞餘孽朱紹綱反總兵
官率兵討平之卽其地立長沙營添設守備
官一員統兵千人駐劄其地又于羊角水置
堡屬會昌千戶所領軍五十人常川防守

成化二十年甲辰閩廣流寇犯境入瑞金總捕
、同知王廷珪督民快禦之進至丁陂爲賊所
逼後援不應竟遇害卹恩進四品階錄一子
入監讀書守臣以失事坐貶

成化二十三年丁未六月石口賊陽九龍糾合
武平賊劉昂流劫信豐焚東南二門遠近大

聳鎮守太監鄧原以 聞特 命巡撫江西
都御史仁和李公昂督三省兵討平之擒斬
九龍等議設守備等官于龍南石城要害諸
處方域以處李公尋以原官移督漕運

弘治改元戊申 命右春坊右庶子兼翰林院
侍講董越充正使頒朔朝鮮 賜麒麟服以

行

弘治八年乙卯以廣閩連界盜賊生發添設江
西巡撫一員 特勅副都御史金公澤駐劄
南贛勦捕群盜公任七年始得代去尋以事
寧議革

弘治十八年乙丑元旦廣寇破瑞金縣知縣萬
琛失守遇害

正德元年巡按御史臧公鳳上言四事一謂假
兼制以安地方南贛二府接連三省流賊出
沒東西北方不相統攝文移約會動淹旬月
以致賊多散逸事難就緒宜命都御史兼制
四省接境府州隨宜調度則盜可息奏可施

行

正德四年己巳叅議俞公諫計擒程鄉賊酋鍾仕高陳玉良等往年爲安遠信豐害者駐師三月民不知兵後總制江浙閩廣諸省軍務平饒廣劇寇流撫江西累官右都御史

正德六年辛未程鄉賊鍾仕錦等攻劫江廣閩附近鄉邑都御史周公南初被新命開府于贛計招賊首何積玉千餘擒仕錦等戮之安插降賊朱貴等三百餘人于羊角水耕住後積玉復叛知縣蔡夔督民兵格殺之餘黨葉芳等投招安插黃鄉堡耕住爲新民聽調殺賊

正德十二年丁丑龍川上中下三泖等巢共三十八寨大賊首池仲容仲安仲寧賴振祿等三十餘人盤據一方不時流劫屢經狼兵夾攻芟夷不盡都御史王公守仁以次蕩平其巢困得其金龍霸王印及僭踰袍服旗幟以獻捷

正德十四年己卯六月寧王宸濠反提督都御史王公守仁以勘事至豐城聞變回至吉安倡義起兵檄贛州知府邢公珣寧都知縣王公天與率黃鄉等處兵從征七月執宸濠于樵舍江西平天與卒軍中

嘉靖元年壬午登極覃 恩免民田租之半

嘉靖十三年甲午水災 詔免民田租之半

嘉靖二十一年壬寅秋安遠黃鄉保新民葉廷

春恃衆生變人情恟恟兵備副使薛公甲計

擒之并其二子伏法衆遂定黃鄉離安遠縣

治三百餘里與廣東平遠和平龍川等處接

壤中有大帽山綿亘數百餘里人跡罕到大

盜窟穴其間最後有葉芳者自程鄉入併諸

賊有衆七千分爲七哨自號滿總先任巡撫

周公南招撫之王公守仁嘗用以平桶岡測

頭及宸濠然驕橫不受約束芳死其兄廷春

代領其衆肆暴尤甚至逼旁近居民竄徙者

百七十人乘新舊督撫交代之際將爲亂幸

薛公先計擒之選葉金爲千長撫定其衆新督撫虞公守愚至議于地名田背築城堡添設巡檢司併移安遠隄備之兵駐劄其地與弓兵相兼防守又議會昌長沙營增築牆垣蓋造營房分原守千人爲三班一班防守二班留衛以省行糧又遷羊角水堡築城三百餘丈中建公館營房以便官軍居民護守議上悉從之

嘉靖二十五年丙午秋七月瑞金儒學泮池內產二蟾蜍色白如玉

嘉靖三十年辛亥冬和平岑岡賊李文彪稱亂都御史張公烜督兵討之高砂千長陳貴爵與賊通漏師賊襲執指揮金爵爲質挾招不許大兵既集賊出戰貴爵爲外應我兵北戰遂圍撫漳州府通判謝承志南安府推官洗沂贊畫邵應魁入營求招乃遣指揮謝勅往諭賊黨李子文謀以貌似文彪者殺之函其首并還被擄官詣軍門請降遂撤兵後偵知

其僞再遣勅入巢切責賊衆將子文械送轅
門伏誅併殺陳貴爵而文彪竟得逃死

嘉靖三十五年丙辰夏四月大水灌城七日而
水再至視前加三尺漂沒溺死無筭是年南
昌以水災免存留稅糧借贛兩關鹽稅補給
宗祿至三十九年水災亦仍前例

嘉靖三十六年丁巳提督都御史周公滿以所
轄嶺北漳南多故守道缺員委揖不便疏請
嶺北嶺東嶺南漳南四道並各專設分守一
人以叅政或叅議任之及請如成化中例仍
設叅將于會昌節轄四省庶職有統紀緩急
胥賴部覆如議行之叅將復于三十九年

是年三月龍南賊賴清規據下歷保以叛近保
被脅者皆從之清規本平民素有機知嘗從
征三泖有功後克本縣老人善爲人解紛息
鬪縣官常委用之偶以族人獄事干連法應
配時一郡倅署縣事墨甚聞清規家頗饒索
賄賄人不厭其意再四逼迫之無柰逃匿而

倖踪跡之益急因而聚眾拒捕遂反龍南之
橫江信豐之員魚逕腦安遠之大小石伯洪
俱爲所脇合岑岡賊李文彪高砂賊謝允樟
號三巢而清規爲雄嘯聚十年殺人以千萬
計地方受其荼毒極矣詩云誰生厲階至今
爲梗可念哉可念哉

嘉靖三十九年庚申冬十一月郡城大雪樹木
結冰彌月不解卽漢書五行志雨木冰亦曰
樹界

嘉靖四十年辛酉饒平賊張璉故爲斗庫侵欺
挂法遂以失計良家子稱亂閩廣諸巢賊附
之夏五月流入興國自龍砂出梁口萬安及
泰和殺汪副使一中執王叅議應時勢益猖
獗還過衣錦鄉長信里溫陂等處焚劫一空
新督撫陸公穩遣安遠令石廩領黃鄉葉槐
等兵禦之擒斬數十人賊敗走出境

嘉靖四十一年壬戌奉詔會師二十萬分爲七
哨大剿張璉兩廣兵駐潮州福建兵駐漳州

江西兵駐建昌贛兵駐汀州監軍御史段公顧言駐節贛城紀驗功級時督撫陸公穩總江浙勁兵六萬屬俞叅將大猷將之璉出攻漳州諸帥乘虛擣其巢璉亟回自保于是大猷計誘賊黨郭玉鏡等賣璉以獻兩廣以饒固其地不肯予度哨奪璉去璉旣擒諸巢賊俱無固志或撫或勦悉就平定乃班師

嘉靖四十四年乙丑安遠縣虎四出白晝噬人知縣李多祚懸重賞募力士捕之旬日而獲十三虎明年督兵征下歷過太平堡一巨蛇當道多祚拔劍斬之未幾賊平人謂蛇虎爲先兆云

嘉靖四十五年丙寅夏六月都御史吳公百朋親督叅將蔡汝蘭等官兵進剿下歷搗其巢賊首賴清規伏誅先是吳公疏請討賊奉詔尅期進兵而郡守黃公辰力主招撫則請單騎入下歷吳公佯許之清規急欲援兵聞府主來撫率衆頓賴待命且開道護送出境

吳公乘賊懈亟移鎮信豐檄兵備叅政李公佑督諸路兵四萬三千有奇于六月初二日分哨進攻初三日長沙營把總暴以平首破楊梅牌斷賊右臂兵逼大巢賊出戰皆失利我兵遂奪神仙嶺險隘賊懼退保鐵爐坑同知李多祚督黃鄉兵衝擊俘斬甚多賊猶據寨頂固守縱火四面焚之賊斫樟木嶺各路兵奮力夾攻賊度不能支復犇入羊石鏡鉢二寨清規率親信五六百人踞銅鼓嶂嶂爲龍川地昔儂智高所據爲密穴者汝蘭選勁卒六千人從間道圍守三寨而自以大兵殿後又架天車爲仰攻計坐營王如澄冒矢石先登七月初四日破鏡鉢寨初六日破銅鼓嶂清規計窮謀夜走葫蘆崗爲隘兵所扼反走回苦竹嶂匿茂林中副將孔宗周偵知之領兵搜獲清規自殺戮其屍髮長七尺下歷平高砂謝允樟悔罪自縛詣軍門獻地乞招願爲編戶乃卽其地建定南縣是役也督府

吳公主之兵使李公佐之而奪險摧堅決策
制勝則蔡叅帥汝蘭之功爲最云初議下歷
築城建館移捕盜通判主簿統兵五百駐劄
防守後張都御史狎謂非久安計因從新民
之請奏立縣治張官置吏開設學校今信豐
龍南安遠之民得晏然于耕鑿者咸頌吳張
二公之功不衰

隆慶二年戊辰巡撫劉公光濟改行郡縣條鞭
法

萬曆元年癸酉七月郡城金魚坊民家井中醴
泉出嘗之味如薄酒其氣清芬三日乃竭
是年總督漕運副都御史王公宗沐疏列漕宜
四事一云恤重遠之地查得漕屬惟江西爲
遠而江省之贛州爲尤遠且經贛石二十四
灘之惡其到水次幾同淮安之抵京師而
風波不興焉計贛縣寧都二縣共糧一萬三
千二百九十六石七斗爲數不多乞每年坐
准改折隨同各處本色解納于窮遠之民旣

蘇其困又免其患所謂遠地之當處者也議
上不報

萬曆三年乙亥九月都御史江公一麟知府葉
公慶熊計殲黃鄉保賊首葉楷等兵不血刃
蕩其巢穴黃鄉寇盤據有年流毒地方非一
日葉公故惠州人稔知其害意欲圖之而未
有間三年四月內惠其保民劉載永嚴順民
等請增設縣治公與江公謀曰是其衆可携
也宜先招集其各保子弟來郡城就塾師讀
書習禮已而果有四五十人來卽楷亦遣其
子六人至然心實恚忿永載輩所爲讐視之
七保人從此亦與之構怨稍稍瓦解葉公乃
密致載永順民及尹明遂溫時選等數人于
郡齋與同寢食蓋伐謀伐交日夕計畫甚秘
又遣梁正環陳俊賴琪等陰執招降旗數十
免死票三千又懸賞格令之伺便行事散其
黨與布署旣定已偵得其內潰狀九月乃發
兵二十日分道入正環等豎立降旗分散免

死粟衆各星散無與官兵敵者楷勢孤走匿
賴舍廟兵圍之火其廟遂焚死楷廟祀妖神
內豎大旗箴束之用人以禡則自解是年神
像忽倒大旗祭之不開賊爲奪氣百年逋寇
一旦蕩夷雖曰人謀亦天數云事平奏立長
寧縣

萬曆四年丙子郡守戴公記置漏澤園于水南
之苑田下令民間有停柩于郊外寮房者刻
期瘞埋毋再暴露違令者重治之旬日之間
累累積骸悉得掩土其陰德厚矣

萬曆五年丁丑九十月間作大暑民無所避桃
李復花筍拔地數尺大寒中雷有霹靂聲明
春轟轟不已電光晝爍雹如大員珠下擊人
死于疫者亾筭

萬曆九年辛巳 詔天下郡縣清丈民田
是年贛令王公藩臣議改本縣上南京倉米兌
淮米俱徵本色革納銀發糴包攬侵尅之弊
至今民甚便之

萬曆十年壬午督撫張公煥 奏改本府捕盜
通判專理兩關稅務其巡捕事以清軍同知
兼之先是司關者輪委南贛二府佐貳逐季
更代至是始定專官之議

是年秋八月郡治災明年太守徐公應奎重新
之

萬曆十九年辛卯督撫王公敬民采形家言謂
貢水東山形如火燄郡城多災坐此遂檄有
司徧山栽插松樹數萬株建萬松亭于上表
以碑仍募夫看守歲給工食有枯折者責令
插補

萬曆二十六年戊戌權使自省入虔立幟揚竿
於東西兩橋欲駐劄度中小民重足立督撫
李公汝華持正議力折之權使撼以危言不
爲動已而議割額稅之半爲 上供額外商
民秋毫無所與權使快快掉臂去而虔中帝
肆不易百姓安堵如故

萬曆二十九年辛丑春正月郡城黑青見形似

狸犬夜入室燈燭皆滅其氣觸人若硝磺不可近走屋瓦有聲遠近驚怖晝夜鳴鑼呼譟如是者浹旬襍板之乃去

萬曆二十九年辛丑 兩宮災蠲民田租十分之三

萬曆三十四年兩午冊立單 恩蠲民田租十分之二

萬曆三十八年庚戌巡撫衛公承芳巡按顧公造議允每歲贛寧二縣上南京倉米兌淮米改行官解免民間僉點糧長及科派里甲幫貼之費于是贛令張耀寧都令游鳳翔各營建倉場于省城惠民門外水次以便開兌民永利賴之是法行于通省而吾郡議之最善第行法者未必一一遵守耳

萬曆四十一年癸丑冬寧都地震有聲

萬曆四十二年甲寅歲大饑巡撫王公佐請恤贛寧淮南二米俱從改折民得輕省且得留米二萬餘石于本地惠同發賑

萬曆四十四年丙辰五月初一二三日霪雨不止蛟蜃並出一夜水高數丈初四日灌郡城城東北街市及瀕河室廬六鄉田禾俱被淹沒男婦溺死者無筭雩都信豐亦然部使者疏云駕筏于城垣之上繫纜于麗譙之間托寢處于屋脊寄櫬柩于棟梁高臥華胥而夢魂已泯沒於洪濤晨炊舉火而井臼倏推遷于赴壑蓋字字滴泪矣幸而朝廷俞三院之請贛寧二縣淮南二米仍改折如四十二年例餘縣俱從寬卹

萬曆四十六年戊午伏秋酷熱異常且苦早晚禾無収民間疫鄉落尤甚闔門死者相枕藉九月之杪東南方蒼白氣一道濶尺餘約長丈二尺每至五更出見泱二旬始滅靈臺占長庚星主兵屬楚分又冬暖少霜桃李實論曰自秦置縣而有贛雩郡始基之矣晉置郡而贛雩分後第上州升望郡今且千數百年夫有土地則有人民有人民則有政事其

災祥之感召建置之暫常卽遐邇不可改然
可攷者尚多也漢嘗有事南越寄逕于贛故
時有車轍馬跡焉乃終漢迄晉徃徃嶺海騰
沸而境內亾宅警則當時樸愿之風猶可想
見偏安之代侯王借名封爵與啓宇稱孤不
同間有出鎮者亦食租衣稅民亾賴焉繇唐
之季以逮宋元度中始脊脊號多事本之控
馭失策上下相遁以至延蔓難圖不此之咎
而以虎頭爲解豈不謬哉 聖朝威德暨南
交乃五嶺之間多伏莽禍中於度設鎮以來
經畧諸公幸芟薙而廓清之遂使隆萬而後
度人不聞金革之聲者五十餘年睹河洛而
思禹功伊誰之賜耶若夫休養生息則又恃
有加惠斯民者在臚而列之亦古今得失之
林也視已成事者可以觀矣

軼事

舊傳贛郡城爲通天大龜形十縣爲蛇形號十
蛇聚龜郡城中有獅子二井鳳凰嘶馬金鯽
魚三池相傳晉郭璞遷城記曰穿開獅子兩
條泉九秀迴龍出大官金鯽魚池賜金紫鳳
凰池上出名賢又曰金鯽池中波瀲灩讀書
科第登榮顯莫教他日塞魚池枉讀詩書千
萬卷又曰塞却三池人少糧又無朱紫耀金
章紹興丁卯郡守曾慥脩譙門掘地得石上

書識文亦有穿開獅子兩條泉四句

述異記南康郡南東望山山頂有果林衆果畢
植行列整齊有三人入山見甘子正熟共食
致飽因懷二枚欲示人聞空中語曰速放雙
甘乃聽爾去

輿地志儲君廟晉咸和二年刺史朱瑋立也常
有漁人釣於此得金鎖引之數百尺忽一物
隨鎖而來其形似牛眼赤角白見人驚駭拽
鎖急走漁人以刀斷得數尺不知其所由然
也

北堂書抄引南康記云野浮水去郡五里有落
星窟深不測底時見電光出其上

輿地志贛縣黃唐山有石室門方八尺廣約十
間上通天窓下有方榻二室人巾幘而坐旁
有小石室七所相通內俱有石人室前時有
車馬跡無毒虫蔓草林木繁茂水石幽絕蓋
仙靈窟宅也山下居人每丙日輒聞笳鼓笙
簫之音鄧德明記云有石子如彈丸聚山角

丙日不見他日復有

述異記螺亭在南康郡昔有一女採螺爲紫曾宿此亭夜聞空中風雨聲見衆螺張口而至亂噉其肉至盡明旦止骨存焉遂瘞亭傍故以名螺亭

南康記雩都柴侯山漢靈帝時有劉叔喬隱姓名避地於此將死自書其柩曰柴侯人始知之塋材側晉未有發其塚者忽大風雨棺及松栢悉飛度此山棺化爲石

南康記雩都金鷄山臨貢水山石如霞旁有穴廣四尺一圓石當穴口神鷄出入色如金奮翼長鳴晉義熙中有彈之者遂化爲石南宋末勅中復見棲翔于此

述異記雩都縣西七十里石寶穴有人乘船從下流還縣未至崖數里一人衣黃衣擔黃紙兩籠求載因乞食船主與之及濟索錢不與唾于盤徑入石穴去船主異之視盤中之唾悉是黃金

迹異記南康有神名山都形如人長二尺餘黑色赤目黃髮于深山樹中作窠窠形如豎鳥卵高三尺許內甚光澤五色鮮明傍開孔如規體質虛輕中以鳥毛爲禱此神能隱身罕覩其狀贛縣西北十五里有余公塘上有大梓樹可二十圍樹老中空山都穴焉晉元嘉元年縣民哀道訓導靈兄弟二人伐樹取窠還家山都見形謂曰我處荒野何豫汝事樹有我窠故伐倒之今當焚汝宇以報汝之無道至二更大起火起合澤蕩盡

南康記雩都梓潭有巨梓葉廣丈餘垂柯敷岫吳王芮令都尉肅武伐爲龍舟旣成挽之不動占云用童男女數十人爲歌樂引之乃行如其言舟忽飛入潭中男女皆溺至今夜宿潭邊者猶時聞歌唱之聲

唐十道記盤古山有獸如車輪而其聲似鷄犬或六足或八足能負兩三人

北堂書抄盤固山其峯有石井井側有大銅人

常守之五十年水一湧起數十丈銅人每以手掩之卽止其山盤紆峻嶒因號盤固十道四蕃志興國上落山有木客形似人語亦似人遙見分明近則藏隱自言秦時造阿房宮採木者食木實得不死能砍杉枋與人交而易人刀斧交關者前置物枋下却走避之木客尋來取物下枋與人隨物多少甚信直不欺有死者亦哭泣殯葬嘗有山人行遇其壑日出酒食啖人山有石墨可書南康記又云山都形如崑崙奴通身生毛見人輒閉目張口如笑好在深澗中翻石覓蟬噉之嘗就民間飲酒賦詩云酒盡君莫沽壺傾我當發城市多囂塵還在弄明月

南康記曰興國玉山上有石桃故老云昔寒桃生于嶺巔隱淪之士將取其實因變成石

雲臆私志涓子至平固縣山中扣石忽開中有宮室額曰輪廖之館有一石笥瑛之得秘書十二卷讀之欣然遂著天人經四十八篇故

名其山曰覆笥

真仙通鑑曰覆笥山頂有湖周數里多靈草異物有石鴈春秋時能群飛湖旁有石井及小石笥笥藏玉牒記名山福地及得道人姓名山堂肆考興國之儒林鄉有石圓如龜頂背皆其人謂之龜背石彷彿八卦形象逐月隨斗杓旋轉士人疑其怪移置他所翌日復歸其處人因祀之

述異記南康郡有君山高秀重疊有類臺榭名女媧宮有獸名格形似猩猩自知吉凶人無機心則可馴狎欲執害之則去不來

南康記龍南歸美山高數百丈遠望嵯峨有水出焉四面險峻石城高數十丈週迴三百步又左右石峽高五六十丈勢若雙闕其狀入雲謂之神闕復有石室色如黃金有鸚鵡形色鮮潔自愛毛羽其隻者或鑿水悲鳴自絕方知孤鸞對鏡爲不塵矣山頂有木枋數百片高危非人力所及石城內有梨食者任意

取足持歸噉之輒病或鎮什

焦氏類林洗藥池在贛州興國縣葛洪過境見山靈水秀遂結蘆築壇鑿池洗藥留詩曰陰洞冷冷風佩清清仙居未切花木長榮

稽神錄金精山巖高數百尺有二木鶴二女仙乘之鐵銷懸于巖下二鶴恒隨四時轉不差或百勝軍小將陳師粲者嘗與鄉里女子遇於巖下求娶焉女子指鶴曰若能射中此目乃許師粲一發而中臂卽無力歸而病卧見二女道士繞牀行以手拂其目數四而去竟失明卒所射之鶴自爾不復轉其一如故

金精山有靈泉水自石竅出雖盛暑其寒冽亦如隆冬騷人墨客往往環坐石磴流觴爲樂有一異人持白玉杯飲於泉側飲罷置杯石上以手拍石而去旣去掌跡宛然杯入石徑寸遊觀者極力取之莫能動咸詫其異弘治間一縣令怪而鑿之遂缺杯底一角

鄒公寨在衣錦鄉宋奉御鄒公嶧與文丞相天

祥募義勤王營寨於此累石爲墉門隘三層
署都督行府牌額禡旗之際天色晦冥一夕
雷震去其額府宇識者謂都督行非吉兆也
未幾果爲元兵所敗執之北去

宋統制鞏信從文丞相勤王因元將李恒追兵
至興國方石嶺將及之信以短兵接戰衆疑
有伏不敢進信坐巨石箭雨集彼體屹不動
至死不僵後人呼爲統制石至今行旅過必
長揖乃去

相公石在末豐縣南故縣有
相公亭載入興國志無謂

興國大乘寺有鉅鍾蓋唐末所鑄也紹興初一
夕忽失贛漁人得之文潭鬻于天寶寺天寶
寺僧扣之無聲頗怪異之一日大乘寺僧物
色到贛求贖不許曰果爾寺物爾試扣之鳴
否大乘寺僧一扣卽鳴乃載以歸至萬曆丁
未寺燬鍾已無存或云飛去

夷堅志石城永福寺對面有丘隴高且十丈相
傳是陳恭公祖墓未嘗有人祭掃是否莫能
知紹熙四年衢人鄭瑄爲簿以其處軒敞

可遠眺欲平治隴首亭其上工料已具僧徒
交勸不可止因委其事于吏樂愿愿夜直宿
書齋夢騶導陸續傳呼大師且至一金紫人
坐肩輿而來呼愿曰我宅於西岡將二百載
爾輩何得侵犯愿佈汗而寤亟以白瑄遂寢
其後

夷堅志信豐縣水南有瑞蔭亭亭前兩巨樟相
去百餘步其高拂雲枝幹扶踈類煙霄中物
亭以故得名紹熙癸丑秋大水浸縣鼓樓兩
樟之間爲水淘洗露出一連理枝自東阻西
長四十五丈枝下去地丈許遂爲一邑奇觀

云

詩話集編宋時石城何氏子締婚寧化縣攀龍
鄉劉安上之女其女生不如輩性慧喜文墨
以不嫁自誓父母欲奪其志卜吉于歸女勉
治奩飾俱從素潔聚族導從送之甫越境忽
一白鸞自空中下女出車乘之而去衆愕莫
知所爲後里人于飛昇處置祠祀之聞于朝

賜祠名蓬萊陳元輿侍郎有詩云白鷲乘去
人何在青鳥飛來信已遙若使何郎有仙骨
也應同引鳳凰簫其祠介于寧化石城兩境
之間

寧都李村有泉自石罅中出熱如沸湯蒸如雲
氣投鷄子于中輒熟舊傳楊筠松僑寓時有
鄉人舘穀甚厚而臧獲頗厭之楊乃辭去以
杖扣石出泉凡三坎盖以酬其湯沐之勞云
異苑記晉太原郭澄之義熙初諸葛長民辟爲
輔國諮議澄之不樂就後爲南康相盧循反
自廣州長民以澄之不先發收付廷尉夜寢
一神人以烏角如意與之旣覺便在其牀頭
如意可長尺餘形制甚陋澄之得此遂無恙
後從入關賫以自隨忽失所在

幽明錄晉義熙中范寅爲南康郡時贛縣吏家
人入山樵採偶得二龜大如二尺盤置之駢
生兩樹間將採薪畢乃取之因遇雨亟歸不
及取經十二年後復入山見前龜一已枯其

一尚生長蒲樹間厚可四寸許兩頭厚尺餘若馬鞍狀亦物產之極異者也

南康誌晉葉率爲九江太守與兄大司馬混太守仲通避劉曜之亂奔豫章南楚東界率卒於穀山混卒于首方口仲通卒於烏漾灘皆今信豐地也故俱廟祀馬

迹異記南康郡鄧德明常在豫章就雷次宗學雷家東郊外去史豫章墓十里許南宋元嘉十四年德明與韋處等乘夜坂月忽聞音樂誦誦之聲共訝曰此間去人尚遠必鬼神也乃相與尋之至史墓果聞墳下有管絃女歌講誦吟咏聲咸嘆異焉史名群普豫章太守塋東湖之東北一里

國史補唐虔州刺史李舟與妹書曰釋迦生中國設教如周孔周孔生西方設教如釋迦天堂無則已有則君子登地獄無則已有則小人入識者以爲知言舟在虔時馬祖大寂禪師說法于龔公山舟聽其說遂披襟解帶留

連不能去

東坡志林紹聖元年十月三日始至惠州寓于嘉祐寺松風亭明年遷于合江之行館虔州鶴田處士王原子直不遠千里訪予于此留七十日而去贈以詩曰萬里雲山一破表杖端閑挂百錢游五車書已留兒讀二頃田應爲鶴謀水底笙歌蛙兩部山中奴婢橘千頭幅巾我欲相隨去海上何人識故侯

稽神錄虔州平固人訪其親因留宿夜分聞寢室中有人語聲徐起聽之乃群鸞語曰明旦主人將殺我幸善視諸兒旣明客辭去主人曰有鸞甚肥將以食子客具告之主人于是止殺自後舉家不復食鸞

朝野僉載唐貞觀末南康郡黎景逸居于空青山有鵲巢其側每食必餒之後隣居有失布者誣景逸爲盜繫獄月餘鵲止獄棲向景逸似傳語狀其日遂傳放舍官司詰所從來云路逢玄衣素衿人相告三日赦果至景逸出

獄乃知玄衣素衿者鵲也物之靈異乃如此
太平廣記陳金少爲軍士隸江西節度使部下
劉信圖虔州時私與其徒五人歿一大冢開
棺白氣冲天墓中有非常香氣見一白髯老
人面如生通身白羅衣如新視棺盖上有物
如粉作硫黃氣金素聞棺中硫黃可爲藥以
衣襟掬取懷歸掩墓而去至營中人皆驚有
香氣惧事泄汲水服硫黃至盡入城中舍佛
寺偶與僧言之僧曰此城中富人之遠祖也
子孫相傳其祖好道有異人教餌硫黃云死
後三百年墓當開卽解化之期也今三百年
矣豈卽是人乎相與復視之棺中唯衣尚存
餘化爲烏有僧言果驗金自是無病壽考

稗史彙編石城豐義里小民何百九強悍凶賴
以屠牛爲業嘗坐事編隸南安遇赦得歸紹
熙四年春主簿鄭縮因公事至其里適見何
鼓刀解牛有麓皮小片僅三寸割而擲之其
子五仔從旁過正著其右目揭之不落卽時

生合長黑毛指誤觸則痛楚異常人以爲業報云

釋史彙編江西有謠金鷲頭向天代代出神仙
金鷲頭向水代代出神鬼今信州張真人家
山頭向上故子孫相繼膺封錫粵都張氏其
山頂向下故世出一人與冥道相通每歲夏
爲陰府行疫于四方其將往也蹶死于榻至
數日而甦手握甲馬一紙云行瘟至某地某
甲當活某甲當亾已而果然其初遊魂至人
家下馬入門人亦延拜登享親見舉筋了不
異人但回時乘馬一顧則不復見耳至今如
此

埤雅廣要載贛州瑞金縣江氏畜馬十餘疋一
日圉人浴一牝馬于江潭馬進入急流四塞
雲合風起水波高丈餘圉人遙見一物光彩
耀日鱗甲森然繞馬數匝久之天日開朗風
靜水平馬泅至岸圉人牽歸向主翁道其事
翁叱其誕明年馬生駒肉赤如血頭方而腹

大耳豎而脊強嘶鳴與凡馬異蓋龍駒也漢志汗血馬生渥洼水中信不誣矣

月山叢談唐都監楊筠松值僖昭之亂避地於虔因謁郡帥盧光稠爲卜地云出天子盧遂改葬其父母復問還有如此地否曰有一席十八面曰何面出天子曰面面出天子盧恐他姓得之遂毒楊楊覺携其徒魯文迪亟去之至一處所問何地名魯答曰藥口曰藥到口死矣讐不可不報也小子識之說盧王干州之磨車灣安一水碓十字蹄口開一井則世世爲天子矣魯曰何謂也曰磨車灣安碓单打盧王背十字蹄馬井盧王自縊頸後盧果疽發背痛不能忍縊死

國朝天順中寧都大旱縣令白良輔齋宿禱於城隍夢神語曰必得靈山寺厨下僧乃甬白如言詣寺覓之僧不能辭遂研墨水數盂投井中須臾卽雲起大雨如注水盡墨色蓋黑龍精所化也僧亦異人哉

正德十三年戊寅正月王都御史守仁計擒三
泐賊首池仲容并其黨盡殲之龍南龍川之
交有水曰泐崇山絕壑強梁不逞者嘯聚其
間酋池冲容俗呼爲池大鬚弟仲安仲寧俱
力格猛虎捷競飛猱負固窮兇稱雄各峒信
豐龍南安遠會昌以切近受毒最慘仲容有
幻術急則遁形水草中名爲插青蓋自正德
以來剿之不克撫之不從當事者亦付之無
可奈何而已丁丑王公至廉知酋善遁計欲
生致之十月將征橫水先爲告諭三泐籍其
五百人爲兵再征桶岡則令仲安領所部把
截上新地及二巢破仲容始懼爲備益嚴公
遣材官至泐賜各酋長牛酒覘賊動靜賊度
不可隱詐言曰盧珂鄭志高等吾讎也恐其
掩襲而豫防之非虞官兵也珂等皆龍川歸
順民不爲賊所脇故讐之材官反命公陽檄
龍川使覈珂等擅兵讎殺之實且趣泐刑木
開道俟回兵聲罪試之賊聞且喜且懼復使

來謝請無勞官兵自爲備公許之十一月班師至南康盧珂鄭志高等來告變公復怒其誣構械繫收贛獄而使人密諭以欲誘致仲容之意先縱其弟歸集兵以待隨遣叅謀雷濟等往諭仲容勿疑因陰購其所親信說之使自來投訴公還鎮大饗將士下令城中今大征已畢民久勞苦宜暫休爲樂可大鬧燈會以慶太平又曰樂戶多住龜角尾恐招盜曷遷入城來散兵使各歸農示不復用令仲安亦願衆歸助兄防守于是贛城街巷俱鼓吹賞燈宴戲旬餘矣仲安歸具言其故賊衆喜遂弛備已又遣指揮余恩及雷濟等領曆三泖戒令毋撤備以防盧珂賊衆益大喜濟等因說仲容曰官府待汝等良厚何可不親往一謝前所購親信者又從中方贊仲容以爲然遂率豪健者九十三人來先營于教場而自以數人入見公故笑謂曰君輩皆吾新民未見而營教場疑我乎仲容惶恐頓頽謝

先是公聞仲容來固已匿兵豫飭祥符宮寬
間以居令叅隨數人館伴皆素與賊相狎者
已而引至宮見止宿處皆整潔喜出望外時
閏十二月二十三日也賊欲私入衛獄覘珣
叅隨先期令禁卒樞東珂等甚苦賊衆入見
莫不唾罵數之出而相語益自喜是夜卽釋
珂等使馳歸發兵踰日仲容辭歸公曰自此
至三泖八九日歲前未必至卽至又當謁正
徒勞苦道路耳聞贛城今歲有燈曷以正月
歸乎其少者固喜觀燈治遊諸叅隨復從而
和之于是賊衆欣然忘歸公又製青長衣油
靴教之習禮令所屬官僚以次宴犒館伴者
又私飲仲容于倡家旣連日夜矣則密令二
三力士乘黃昏假使酒闌入而與仲容爭因
而毆傷其目館伴厲火甲縛醜酒者當夜擁
仲容擊院鼓告急公開門問故陽大怒紉諸
酒徒出轅門各杖五十収獄責數仲容及諸
館伴聽別治已復語仲容曰初意欲留汝等

過元宵今若此須聽汝等早回矣明日令叅
隨引醫療其目密使用藥翳其瞳子毋令得
挿青遁也賀元旦畢仲容辭公曰謁正尚未
犒賞柰何二日開印令有司大烹于宮以次
日宴是夕潛入甲士六百人射圃計以六人
制其一餘則伏左右防變密語叅隨龍光曰
每了十人汝可立屏下安我否則入告計已
定詰朝集仲容等入院盛張鼓樂內外不得
聞人聲乃召屠人剖牛割豕階下階上鑿銀
分層令不得見前後故數刻始一發賊受賞
兩手不勝復以花紅絆繫已乃勞之酒三叩
頭出令謝兵道旣出甲士盡殪之門外未賞
者尚有十餘人因候久色稍變附耳相囁嚅
公揮尺喝曰後生不守禮伏兵起盡反接以
出畢事而退日已過未公大眩暈嘔吐脫食
薄粥乃定盖心神過勞故也初七日率兵詣
涑而諸哨已集遂搗其巢三月班師奏立和
平縣是役也公神機秘畧愈出愈竒而愈不

可測卒使賊入穀中駢首就戮公真千載一人哉

安遠杜栢以豪健擁衆自雄陽明王公招之榮以冠服安挿其衆二千人于縣百里外號新民宸濠反栢領衆從征不盡受陽明約束攫兇萬金而還陽明佯不問由是益恣橫檀生殺廝役八百人邑事統決于栢邑中民無少長見輒蒲伏爲禮其老長者憤曰吾若翁行

願擊曲阜

事

釋子即然亦無柰若何嘉靖乙未

春南嶺兵道缺督撫陳公察檄分巡湖西僉事周公相揖之周公泄湖西年餘所殫剔豪惡殆盡民間公來測公能制栢也沿途告栢者以百計批府逮問公至嶺府官具白栢平日恣橫不可逮捕狀公領之翼日有告栢者公佯曰勅謂栢極惡今廉知止富招衆怨耳碎狀不准栢家人訴願准之而先憤栢老長者凡三十六族中有慧者測公微歛金三百餘付善訟古秀玉等分告三院冀得轉于公

栢詞知尾健悍用事者數十輩遮路縛歸盡
得謀者姓名悉誣以事上狀軍門下縣令追
訊令不敢預栢專之已而典史應朝去復以
巡捕委栢檄兵數百屬之栢又調原就招二
千新民入城擁護日撥百二十人拿狀內有
名一姓不問男女幾十人無遺毛髮者所居
屋寸椽半瓦盡夷之四之日將拿孫姓孫之
侄宏素任俠住城外恚曰邑他姓尚倚吾家
爲庇今乃不能自保耶栢亦大無狀矣相聞
怒曰孫宏敢爲是言并滅之饗衆擬出城栢
父厚紀阻之走當城門卧大呼曰若輩必欲
出盍先踏死我乎衆暫退宏聞則甚恐亟聚
族丁千自保其姻葉天序俠與宏等糾族丁
一千助之合兩族二千丁結爲寨宏序潛奔
告於公公諭之歸曰過端午節出巡料理若
等積訟宏序歸途未半聞栢必欲出城相殺
紀不能止宏序急投黃鄉保曾婆假公密令
給之出兵婆令十頭目領三千人出持十日

糧器械旗甲甚解利合宏序之衆共五千人
爲一大寨曾婆者舊所稱滿總葉廷椿之妻
也夫死子幼代領其衆視舊加整栢欲媒娶
爲妻曾不許且辱其媒因相讐故宏序給得
行栢見宏序得曾援遽難輕動設計開城門
上變告孫宏葉天序合黃鄉保賊反燒城門
殺官兵云云狀日四五至軍門信之公曰宏
序不反反者杜栢也大書二牌但云本道方
欲臨剖汝等積訟不意又聚衆相持城門但
大開之宏序退三十里毋逼城否則名爲賊
五月六日公出次南康軍門發兵一千三百
令四指揮部領赴道聽調度公計本意討栢
而軍門發兵顧討宏序將柰何乃密召宏序
至出軍門討文示之宏序泣曰民等何故反
公曰我固知爾不反也又出呈軍門批允印
信揭帖示之宏序叩頭指天自誓公親書密
揭軍門宏序實不反絕不使吏書知而陽嚴
戒不得泄軍門討宏序之文泄者罪無赦吏

書等以爲竒貨各偷馳栢八日四指揮領兵至又陽嚴戒如戒吏書語指揮紫已先偷馳栢且疑公必不貸栢左言曰栢實罪魁宏序何辜公故愕然曰此天理話但軍門之令誰敢違之再三嘆息四指揮以爲信然又偷馳栢栢設備頗懈九日公蒞南康禡旗誓衆畢行三十里營中館十日至信豐孫宏葉天序黃鄉保十頭目仗迎道左公佯罵曰那里是宏序假粧來欺我叱使去又私自口念曰這

等樣奸詐謀者又馳之栢雖據城如故而防益懈十一日四指揮請進兵安遠公計已嘿定下令曰連日兵勞且暫休待大衆至遂結營教場十二日盡括信豐所軍并該縣稅兵得二千餘衆號四千并入前營擊牛饗之遂大閱陽差一千戶領旗牌押孫宏等西去一里許聽理一千戶領旗牌押葉天序等東去一里許聽理一千戶領旗牌押滿總十頭目兵歸黃鄉保造典史覲回卽令管巡捕奪梳

兵屬之又差一千戶領旗牌同典史疾馳安遠諭新民卽聽二差官逐名點出城押歸原耕住處又差一千戶領旗牌選帶素與栢厚者數人就安遠諭栢急赴理五旗牌一時齊發所謂震雷不及掩耳也栢計窮良久忽大哭辭厚紀踵差官偕來伏庭下公佯笑曰人言杜栢黠甚善策利害果然此一來占利甚多栢叩頭謝公傳令呼孫宏葉天序至語曰杜栢不來爾說俱是栢旣來矣孰是孰非湏集衆庭鞠之三人齊鑠肘送鎮撫司監候其黨在外謀劫獄喧動一城巡捕官告急公故大聲喝曰栢來求生乃故取死此訛言也亟去毋亂吾耳尋呼吏書云安遠事竣急發巡龍南牌牌出呼巡捕官令曰斃日軍務勞不柰陸行可就河覓船不拘多少報我湏臾以得五十隻報公計足矣日晡登舟分載諸兵將畢忽挈三犯令夜順流歸贛栢黨千人馳至信豐四十里聞栢已縛去各散歸五月十

六日反接栢及同惡二僕杜龍杜虎親家黃金瑋四克獻俘軍門召厚紀慰遣之并貸其幼子喬樾喬鶴釋孫宏葉天序及強奪婦女百七十口沒入田地山房各于計先是督撫陳公疏乞休至是始得代新兵道亦以先後至公謝攝還師順送陳公行五十里私計栢多機智且善賄倘虎出匣是遺患也亟回出四凶立杖殺之然後行陳公訝公不辭而去逆公轉陪新督府悔不却公送薄公炎涼大顯及公追至泰和謂陳公道所以陳公撫掌曰我以市道心逆公寧知公爲地方大事計乎他人得脫且脫誰如公誰如公嗟異久之特疏薦楊周公號莓崖浙勤人後以副都御史巡撫江西

論曰志所載皆國故也所謂識其大者也其它神仙幽怪竒譎誕幻諸種種多不軌于正然故老之所傳聞往牒之所采紀將無識其小乎大庖之羞必登海錯太牢之饗無擇溪

毛稗而錄之匪直可資抵掌抑亦少禪多聞
矣陽明蒞厓兩公擒賊事則善用奇者詳著
曲折見兩公爲地方之心良苦殆奇而正者
耶

贛州府志卷之十八終

贛州府誌卷之十九

紀言志一

事沿文載意藉辭宣不有紀述雖美弗傳
流膏賸馥溢在簡編哀其散逸用備攷詮
志紀言第十四

賦

崆峒雪樵賦

宋 濂

劉君宗弼家于贛之空同山陽學瞻而文雄嘗
擢進士第入教成均出任浙江部使者之寄聲

光已赫然矣君乃退然弗居方以空同雪樵自
號其殆顯幽一致者歟非賢而有德者蓋弗能
也君間請漁賦其事雕蟲篆刻之學老且亡去
黽俛操觚雖用賦體而比物成義爲多君之西
還或歌於清泉白石間山靈聞之未必不蹶然
一笑也其辭曰 伊空同之拔起兮鎮嶠南之
靈區翠旂纘其蕩空兮播顥氣之蕤綬章貢挾
以北流兮益土脉之滋腴穴遙通於龍翁兮勢
蟠亘於鬱孤信地維之奧宅兮爲靈真之所都
則有白鷺羽人黃唐丹士闢玉爲房鑄金成黍
仰青帝以布帷撥赤霞而故笥悼下士之全濁
凌剛風以逕度惟彭城之仙子兮式爛柯之遺
軌謂靈奕之可觀兮意翩翩而遐舉裘剪鹿脫
之花屨約芝田之藁巾割湘雲之枝擊點彩鷗
之尾傷胡麻之未飯愛白石之堪煮踰洞真之
石扉借修月之寶斧期緜笙之下臨兮庶綠文
之可噉于時玄爰屆朔氣交水腹堅金莖高二
鶴夜語獨鳥晝韞莽六花之聚白合溟泮於空

寥幻九清之秘景闢大素之神苞奪人目睛兮
若流汞翻空而不定一白無地兮如爛銀炫耀
於霜刀瓊林玉樹疊穎聯柯條頓亡於春綠蘂
巧綴於晴梢乃陟瑤磴乃依冰樾膚中寒而生
鱗指屢僵而弗屈丁丁許許不遺餘力已枯成
采方長不折玉屑隨聲而輕墮霜莖倚雲而初
積束以九真之赤藤附以千年之茶魄旣消搖
而咏歸忘蕉鹿于今昔歌曰我采我樵兮太濛
之野萬樹隴璽兮玉光照夜孰能相從兮與霓
旌而俱下于是築石竈緝金經養神火煉黃寧
永生水虎之窟鉛出火龍之窟液承太乙之珠
機運元華之精憑添抽之卦券植鄴鄂之丹城
逮伐毛而洗髓致陰爍而陽凝種芝於瓊玉之
山折桂於廣寒之庭領衿佩于橋門集鶴鷺于
王庭白簡霜飛繡衣春明近一出而持斧使九
夏之生水定瘳風而來歸兮將瀛洲之先登隔
人間之風雨兮遽真凡之異程至若西隣之子
沈酣擅葦屏龜香曙笙火花春葆階舞楚銀館

歌秦黃塵迷南華之夢散屣嗤東郭之貧樂鍾
鼎之遺豔厭烟霞之近醇尚父釣渭阿衡耕莘
或封齊於東海或致君於華勛齊出處於一塗
何變志於屈伸世繽紛兮麗以新蠟代薪兮傷
芳辰翻海水以爲霖兮曾莫濯夫游塵孰不化
爲胡燕兮依華棖之飛文丹禽鳴夫空谷兮亦
寥寥之一聞彈樵歌之逸響兮寄綠綺於秋旻
歌曰若有人兮在蘭厓止白虎爲使陟崇巘止
皓毳迴颿敷天葩止虛白內朗絕纖瑕止仁斧
義戍龍鏘鳴止鵝膏匪施痴弗形止剪彼薪樗
扶松栢止養賢大鼎熟以烹止天下爲公大道
行止遡風屹立思盈盈止

金精山賦

曾原一

鉅宿炳靈煌煌天西偉飛仙之苗秀燁川谷以
流輝猗乎奇乎盤盤桃石昂霄睨碧蘿翠糾紛
瑤壇飭雲吾固不知其爲仙餐變化之神其亦
太清之滓下降而爲之輪囷邪橫者屏恩劃然
中開下盤漏滴上摩九垓誰登屨顏雄劍剖頑

豈曰長沙利此鎮鄣抑亦鴻濛始分此象已剖
符而裂爪邪鼓峰者殷螺浮俛環儼制度以如
削駭聲音之若聞孰崇牙而設麓凜峭崿而獨
尊殆茲山之節制止羣嶺之迸奔如彼都護揚
威震夷而血邳支於崑山又若伏波握麾撫邊
而拱銅柱之百蠻訝然石室是謂碧虛而杳而
舒可憇可廬兀玉几以如在偃金床之燁如樵
郎傠升或謂見之吾蓋莫卽其有無也穿岩而
西峽束雲起飄飄金蕖香臉宵墜繚鐵壁之嶽

巖闢天區而沉遽方朱光之熇淵乃粟膚而栗
齒翻銀液兮崖雪篆瑤灣兮波月晨光霏兮覩
爐紫烟藤影亂兮霞冠綠髮屹仙掌兮筍立竦
明琅兮玉戛颺颺兮春潮戈削兮秋骨蓋陰闔
陽開乾造坤設飛仙爰止神闕孤發闔世氛之
冥濛洗肉眸於玉闥豈蚩氓悍隸之伊藉而斧
錐鏡鑿之刮裂也有來者芮企靈貝闕悲俗訛
里論之呶嘔妄招媒剝洞之荒譎致仙賡而山
污兮黥羣疑而罔决嗟巫峰之十二兮穢高唐

章炳原詩
卷之九
五
之蚍蜉顧茲峯之十二今玷齊東之蠖蟻吾固
破沉迷之蕩瀟而欲鏝此詞於蒼崖之嵒嶮也
噫嘻寒芒在天神樞運躔是星也在漢爲靈泉
在唐爲謫仙或風輪而霧駕或雪句而冰聯蓋
元化西方清明之氣妙太虛而回旋謫仙已去
今五百年是星之英柳冥漠而人間邪二二子
試酬明月而問青天

詩

下瀨石

孟浩然

瀨石三百里
汭洞千嶂間
沸聲常活活
游勢亦潺潺
跳沫魚龍沸
垂藤猿狖攀
傍人苦奔峭
而我忘險艱
放溜情彌愜
登艫目自閑
瞑帆何處泊
遙指落星灣

和孟虔州閑齋卽事

包何

古郡隣江嶺
公庭半薜蘿
府寮閑不入
山鳥靜偏過
睥睨臨化柳
闌干枕芰荷
麥秋今已至
君

韓少府詩
聽兩岐歌

送杜郎中使君赴虔州 楊巨源

迢遞南康路清輝得使君
虎符秋領俗鵷署早
辭羣地遠仍連戍城嚴
本帶軍傍江低檻月當
嶺滿廳雲境勝間間天
清水陸分和詩將惠
政頌述九衢聞

寄贛縣袁少府璿 張子容

山遶樓臺出溪通里閉斜
曾爲謝客郡多有逐
臣家海氣朝成雨江天
晚作霞題書報賈誼此
濕似長沙

清明送韋侍郎貶虔州 前人

寂寞清明日蕭條司馬家
留餞和冷粥出水煮
新茶欲別能無酒相留
亦有花南遷更何處此
地已天涯

寄天竺山僧韜光 白居易

一山門作兩山門兩寺元
從一寺分西澗水流
東澗水南峯雲起北峯
雲前臺花發後臺見上
界鍾清下界聞遙想吾
師行樂處天香桂子落

紛紛

送沈下賢謫尉南康

張祜

秋風江上草先是客心催
萬里故人去一行新
鴈來山高雲緒斷
浦向月波頽莫怪南康遠
相思不可裁

南康阻陟

許渾

晴灘水落漲虛沙灘去秦吳萬里賒
馬上折殘江北柳舟中開遍嶺南花
離歌不斷如留客歸夢初驚似到家
山鳥一聲人未起半床春月在天涯

鬱孤臺

趙抃

翠峯鬱然起惟此峯獨孤築臺山之巔鬱孤名
已呼窮江足樓閣危壓斗牛墟贛川繚左右庾
嶺盤崎嶇望闕址其後北向日才都人家襟煙
樹原野周城郭烜潤或晴雨晦明或曉晡春榮
夏物茂秋肅冬林枯氣象日千變一一如屏圖
比予去諫署乞州養庸愚事訛得以正俗瘵得
以蘇歲豐盜攘息獄冷寃繫無熙然與民共所

喜朋僚俱中澹有琴操外喧有歌飲樽罍有美酒盤飧有嘉魚優游一臺上四序不暫宰乃知爲郡樂况復今唐虞

登望闕臺

前人

神都瞻寶闕星斗切瑤魁風濶春襟快雲披曉月開山川增氣象闌檻出塵埃天際橫歸鴈林梢露出梳喜逢冠蓋客半是日邊來

章貢臺

前人

章貢東西派并流作贛川奔湍出城曲離合向臺前把酒來憑檻鳴鼙見放船滔滔歸底處滄海路三千

汝陽庵中懷行先

蒲宗孟

幽懷慕岑寂結庵在中林綠竹君子操清池故人心明月弄寒影好風搖翠陰江南千里遠何處盍朋簪

八境臺

八首

蘇軾

南康江水歲歲懷城孔君宗翰作石城
上有樓觀臺榭東望七閩南望五嶺覽

羣山之參差俯章貢之奔流仍作詩八
首題于臺上

坐看奔湍遶石樓使君高會百無憂三犀竊鄙
秦太守八詠聊同沈隱侯

濤頭寂寞打城還章貢臺前莫靄寒勸客登臨
無限思孤雲落日是長安

白雀樓前翠作堆縈雲嶺路若爲開故人應在
千山外不寄梅花遠信來

未婁采處日微明皂蓋歸時酒半醒薄暮漁樵
人去盡碧溪清嶂遠螺亭

使君那暇日叅禪一望叢林一悵然成佛莫教
靈運後着鞭從使祖生先

却從塵外望塵中無限樓臺煙雨濛山水照人
迷向背只尋孤塔認西東

煙雲縹緲鬱孤臺積翠浮空雨半開想見之罍
觀海市絳宮明滅是蓬萊

回峯亂嶂鬱參差雲外高人世得知誰向空山
弄明月山中木客解吟詩

鬱孤臺

前人

八境見圖畫鬱孤如舊游山爲翠浪涌水作玉
虹流日麗崆峒曉風酣章貢秋丹青未變葉鱗
甲欲生洲嵐氣昏城樹灘聲入市樓煙雲侵嶺
路草木半炎州故國千峯外高臺十日留他年
三宿處準擬繫歸舟

再過鬱孤臺

前人

吾生如寄耳嶺海亦閑游顛石三百里寒江尺
流楚山微有霞越毒久無秋望斷橫雲嶠魂

飛咤雪洲曉鍾時出寺暮鼓各鳴樓歸路迷千
嶂勞生閱百州不隨猿鶴化甘作賈胡留祗有
貂裘在猶堪買釣舟

蕙泉

前人

水性故自清不清或撓之君看此蕙泉五色爛
摩尼蕙者爲我蕙何以此名爲有蕙則有貪有
慧則有癡誰爲柳宗元孰是吳隱之漁父足豈
潔許由耳何淄紛然立名字此水了不知毀舉
有時盡不知無盡時竭來蕙泉上將鬚看鬚眉

好在水中人到處相娛嬉

塵外亭

前人

楚山澹無塵
顛水清可厲
散策塵外游
麾手謝斯世
山高惜人力
十步輒一憇
却立游雲端
俯視萬井麗
幽人宴坐處
龍虎為斬薙
馬師獨何疑
豈墮山鬼計
夜垣非助我
謬敬欲其逝
戲留一轉語
千載起攘袂

天竺寺

有序

前人

予年十二先君自虔州歸為予言近城

山中天竺寺有樂天親書詩筆勢奇逸
墨跡如新今四十七年矣予來訪之則
詩已忘有刻石存耳感涕不已而作是

詩

香山居士留遺跡
天竺禪師有故家
空詠連珠吟
疊壁已亡飛鳥失
驚蛇林深野桂寒
無子雨浥山薑病
有花四十七年真
一夢天涯流落涕
橫斜

用鬱孤臺韻贈玉岩先生 前人

室空惟法喜心定有天遊摩詰原無病須洎不入流苦嫌尋直枉坐待寸田秋未入麒麟閣已逝鸚鵡洲酒醒風動竹夢斷月窺樓衆謂元德秀自稱陽道州拔葵終相魯辟穀會封留用舍俱無碍飄然不繫舟

慈雲寺

黃魯直

城東寶坊金碧重道人修惠剪蒿蓬一瓶一鉢三十載瓊椽碧瓦上秋空稻田摩袖擁黃髮更築高閣諸天中三后在天遺聖墨百神受職扶琳宮文思帝澤餘滋潤雨露下國當年豐貢川章川結襟帶梅嶺桂嶺來朝宗參旗斗柄掠欄楯清坐耳聞河漢風道人飽參口掛壁頗喜作詩如已公家風秀句刻琬琰邀我落筆何能工安得雄文壓勝境九原喚起杜陵翁

贈玉巖翁二絕

林 頰

一童一鹿自相隨不爲山間笋蕨肥看盡榮枯彈指頃燒痕青處認春歸

瞥然飛電洒雙瞳短褐長裙茹瘦菘白玉巖中

無一事爲君題作玉巖翁

天竺山

李朴

天竺崎嶇絕海邊何人分作贛江禪
鷺山巧壘三峰石葛塢深疏兩派泉
一醉風光能幾許十年塵跡尚依然
欲題豹隱還相笑望斷長空簇
瞑煙

崆峒山

前人

雲根秀出碧芙蓉烟晃霞飛瑞靄中
地脉九枝龍奮蟄天河一派練橫空

馬祖巖

前人

踏盡層巒上小亭日華初泛曉煙清
塵埃不到門常靜身世相忘性自靈

鬱孤臺

文天祥

城郭春深濶樓臺晝影遲並天浮雪界
蓋海出雲旗風雨十年夢江湖萬里思
倚闌時北顧空翠濕朝曦

翠玉樓

二首

前人

昏鴉何處落野渡少人行黃葉聲在地
青山影

入城江湖行客夢風雨故鄉情試問東南信梅
花三兩英

又

客影魚千里年華柳十圍白雲樓石密黃鵠出
煙微江海秋風老湖山晚日暉鬱孤臺上望野
濶犢初肥

翠玉樓觀雪

前人

矯矯臨清泚濛濛認翠微
綈春生客袖鐵冷上戎衣
柳眼驚何老梅花覺半肥
新來有公事百

戰破重圍

石樓

前人

曉日重簾捲春深疊鼓催
長垣連草樹近水照樓臺
八境煙濃淡六街人往來
平安消息好看到嶺頭梅

皂蓋樓

前人

一水樓臺遶半空圖畫開
蝸涎行薜荔雀影上莓苔
碧落人千載青山酒一杯
晚煙看不盡明月却歸來

合江亭 二首

前人

天上名鷄尾人間說虎頭春風千萬岫秋雨兩
三洲客晚驚黃葉官閑笑白鷗雙江日東下我
欲賦歸舟

又

西楚驚鴻晚東淮落木秋蒸湘今石鼓句宛古
宣洲白日聊清賞青山總舊遊不知滄海水何
處接天流

馬祖巖

前人

曾將飛錫破苔痕一片雲根鎖洞門山外人家
山下路石頭心事付誰言

馬祖巖禪關

前人

秋風吹日上禪關路入松花第一巒只願四時
煙霧少滿城樓閣見青山

塵外亭

前人

半山風雨截江城未脫人間總是塵中夜起看
衣上月青天如水露華新

吸江亭

前人

絕壁千尋俯雲潭
春花秋草自藍鬚
當年誤著蒲團坐
惹得人稱馬祖巖

雲端

前人

半空天矯起層臺
傳道劉安車馬來
山上自晴山下雨
倚闌平立看風雷

九日東林寺燕集

分韻
把字

劉永直

季秋屆良辰
文燕集蘭若
杯行樂酌勸墨妙競
揮灑坐令干戈際
頃使懷抱寫感昔生遠思登
高眺平野
風流緬龍山
雄豪追戲馬
采采東籬
花何由采盈把

秋日東林宴坐

前人

高秋坐虛館
颯然神慮清
迴颺踈雨瀟
洒集前楹
始忻塵襟遠
稍覺微涼生
簷鐸遙相荅
林蟬時一鳴
物情各有適
吾生豈無營

登北極院紫霞樓

前人

危構憑虛接太清
紫霞如綺散前楹
萬年佳氣通幽谷
五夜神光動赤城
鶴駕凌風霓旆遠
鳳笙吹月羽衣輕
空同對面三千丈
我欲因之問

廣成

章貢聞柝

呂復

翠玉樓前聞擊柝離情應向此中分
遙知孤枕金陵夜還憶今宵月下聞

鳳凰池

彭祥

聖人撫世岐鳳鳴聖君德洽虞鱗生
塵寰滄海幾灰劫眼看千載黃河清
方今太平極四表天朝一網羅羣英
嶧陽孤桐秋露冷巢阿閣上仁風薰
鸞鳳噦噦叶賓呂日月皎皎垂昭明
錦苞五色絢朝旭散作祥雲繞金屋
不向人間枳棘栖祗留遺跡居陵谷
當時見者唯有誰緱山月夜王喬知
玉簫吹徹碧雲裏翩然附翼冲天
飛後來慨覽增太息徒向溪蘿寫榛
棘信知靈鳥不可追尚有凡材猶未識

黃籙上壇觀

解縉

上壇觀在府城東地接文潭水脉通
莫向樓前吹鐵笛月明惟怕引蛟龍

通天巖

王守仁

四山落木正秋聲獨上高峯望眼明樹色遙連
閩嶠碧江流不盡楚天清雲中想見雙龍轉風
外時傳一笛橫莫遣新愁添白髮且呼明月醉
深醜

坐忘歸巖

前人

幾日巖棲事若何莫將佳景復虛過未訪雲壑
淹留久終是塵寰錯悞多澗道霜風踈草木洞
門夜月掛藤蘿不知相繼來遊者還有吾儕此
意麼

蕙泉

姜璉

涓涓泉脉石中生流出招提分外清涵鏡有光
能照物鳴琴無譜自成聲一泓徹底元無滓萬
古稱蕙豈盜名若使夷齊身未死也須來此濯
塵纓

西隱山

蔣曙

苔逕縈迴少四隣小橋流水淨無塵好雲礙馬
閑留客野鳥穿花不避人坐愛崆峒當面碧哦
吟風月滿腔春酒闌小立重翹首憂國思親感

慨頻

遊通天巖

邢珣

漫尋丘壑伴幽栖僻徑真堪與世違翠壁苔深
沉鳥篆高秋木落見巖扉臺空白玉乾坤迴火
冷丹爐信息稀童冠追陪傳故事不妨歌詠月
中歸

鬱孤臺

李夢陽

朔日送客返慨然登鬱孤悲歌爲閩廣指顧盡
江湖南俗羗夷雜北流章貢俱兵舸尚滿眼繹

繹詣饒都

馬祖巖

呂楨

衆山攢雲石爲屋中有堯率仙人宮廊魚敲歇
僧入定耳根色界俱成空東風吹花落紅滿醉
裊吟鞭歸緩緩杜鵑聲裏又斜陽老盡遊人春
不啻

獅子巖

前人

古洞何幽閒新詩足品題晨光飛野馬春甕舞
醯雞露洗花增艷風柔鳥善啼雲房僧話久歸

踞日平西

望江樓

張翀

獨上江樓望天空萬里開帆隨江影去秋逐鴈
音來逸思看雲動歸心對鏡催鹿門山下路不
見有人回

望江樓 二首

董世彥

萬里秋歸木葉丹那因搖落泣南冠城孤忽送
青砧劇客久偏驚白鷺寒五嶺天高消瘴癘大
江星聚佩椒蘭尊前肅肅真鴻過怪尔凌風海

嶽寬

又

前人

楓宸遙望寸心丹十八灘頭老漢冠白髮瘴邊
新病起炎方霜後敝衣寒一時遊客多持節自
古騷人只紉蘭前導不妨燈火擁巡簷暫喜酒
盃寬

鬱孤臺

朱維京

仙人樓閣倚山開二水中分抱郭迴春樹萬家
遙對酒浮雲千里一登臺西疇雨足秔禾茂南

海風輕裴翠來憶昨時危勞命將卽今凱奏可
啣杯

通天巖

前人

空中臺閣逼青霄百丈琳宮上轉遙長夏寒飛
丹洞雪高天霞散赤城標似聞玉女花間笑親
見仙人天路邀豈是避秦人去後石床藥鼎遍
山礁

冬月偕同寅會稽祁君涪州夏君莆田林
君遊通天巖

黃克纘

我來作牧章水隈東方未曙早衙開簿書隙中
影徘徊上官號令疾於雷西山遙望空崔嵬安
得從爾舉金罍十月之交詔書來中丞移鎮章
華臺郡齋寂寂風動槐官長相招探野梅登降
施靡歷數咳石壁嵯峨勢欲墮刻削瑤玉與玫
瑰就中古洞絕纖埃大士如來石爲胎巨肩高
出隱其頰曷鼻黉顏嘻且詼跌坐日久生莓苔
峨眉學士謫仙才何年真蹟落上台元氣淋漓
半壁灰雲根老藤縈佛腮蜿蜒時復生門根龍

虬隱隱出條枚爾全天年材不材黃冠道士背
盡飴烹茶摘果就火煨飲之一杯勝醇醅兩腋
風生陟九陔石梯千級何人鎚我躋其巔手摘
魁長江北走勢沿洄中流礪石聲喧虺文鷁桂
棹參差桅江潭漁父釣且罟石塔一點白皚皚
虔州古郡何壯哉蒼茫檀桂滿城栽揮戈莫怕
陽烏催莎草爲茵復舉杯百年幾度相追陪

遊天竺山

丁繼嗣

天竺真如鏡何期到此間座中忘白日門外卽

青山袖碎雲千片庭虛月半鐙夜深堪醉嘯歸
去未爛珊

蕪泉亭

前人

春日重開讌看花騎屢移幽閑支遁社清淺習
家池曲以官商叶懷將晝夜披臨流一長嘯此
意許誰知

題筆峯山

前人

南山高揭一峯懸坐對琪林勝獨偏恍把金莖
擎露立虛疑玉節挿天連噴岈半壁浮雲外睥

真州府志 卷之九 三
睨千家落照前不是文明鍾氣色舉頭誰聳筆
如椽

招飲水心亭

前人

景入層層路半迷擬開金谷俯清溪臨池倒見
長虹偃倚檻遙看疊嶂低龍劔氣搖芳樹苑隼
旗光借白雲栖此來不是逢嘉主謾說尋芳過
水西

夏月池亭湯興

前人

隔院亭開水竹幽花菲鳥語自相求一泓清景
偏宜夏六月涼陰已入秋蘭馥暗浮青玉案芝
莖層結紫雲樓側身東望乾坤小誰說瀛壺別
有丘

再遊通天巖

鄒德溥

夏木亂芳菲乘風入翠微渾依巖作室半借石
爲扉幡影連雲動鍾聲帶雨飛高僧閑對語永
日澹忘歸

遊獅子巖

前人

狂客尋幽慣乘春復此栖巖深含月冷山迥宿

雲低嵐氣侵冠蕚花香撲杖藜金獅終日吼何
事問曹溪

江館半閑亭夜坐卽事 前人

芸館新開雩水東虛亭月色隱簾櫳焚香玩易
義文近坐石冥心天地空江捧星河浮檻外雲
飄鍾磬落窓中鬱孤臺迥人何在野笛聲聲大
古風

雩都華嚴院

岳飛

手持竹杖訪黃龍舊穴空遺虎子踪雲鎖斷巖

無覓處半山松竹撼秋風

雩都遊羅田巖

周敦頤

聞有山巖卽去尋亦躋雲外入松陰雖然未是
洞中境且異人間名利心

遊羅田巖

羅洪先

古人不可見空谷有遺音一卧白雲上方知靜
者心林風開霽兔巖月下峯陰悵望千年後庭
前草自深

遊需巖

前人

香臺遙在最高峯一宿身同出世中
鍾後殘經過半夜巖前古佛傍
孤松吟當萬壑音偏遠夢入諸天
念轉空聞道草玄曾此地却憐相
憶不相逢

信豐南山觀

張汝弼

何年建此南山觀今日來遊東海仙
詩草謾留黃竹逕墨花亂洒綠蘿煙
玉郎飛白輪壺矢焦道談玄咲永鉛
千里清風一聲鶴遨頭歸去興翩然

寶塔寺

俞適

隱隱浮屠寶刹開登臨何異古層臺
二儀清濁分高下兩曜升沉任往來
夜靜風鈴驚鶴鵲年深春雨長莓苔
欲題名姓傳千古踈嬾慚無及第才

覽秀亭

前人

危樓高倚古城阿勝日登臨載酒過
山勢南來通百粵江流東下接黃河
雨中春樹高低見檻外雲林紫翠多
俯仰乾坤一回首南山千古獨

嗟峨

新龍山

黃閏

聞說新龍景致佳乘騎一覽興尤賒雲籠寶殿
天垂蓋日朗金容地布花清磬玲瓏聲遠遞浮
屠突兀影無涯此行定去朝金闕何日重來聽
法華

香山

俞雍

生平清興在蓬壺浪跡行踪且自呼舊社九人
誰是我當年一鶴豈今吾勢蟠宇宙雄圖潤翠

擁峰巒秀色鋪爲問山靈靈在否掀髯長嘯海
天孤

興國靈山水月亭

唐子儀

禪宮有亭占幽境要識水月光中影涼波浸透
禪心清寒輝照破寒夢醒明明此性皆圓通水
流在碧月在空誰能悟此因指見一滴已續曹
溪宗

玉珠泉

前人

石竇流泉瀉寒玉激石懸崖洒飛瀑是中疑有

蛟龍眠噴出驪珠三萬斛輕跳亂撒難再求相
看泣對鮫人愁山僧漱嚙諷經罷冰簾夜掛明
月秋

碧環亭

前人

碧山碧水環四周危亭據此真清幽曇雲千層
昏白晝晴波萬頃涵清秋闌干笑拍閑徒倚恍
然自悟西來旨山僧坐久衲衣寒一片寒心吹
不起

月池

前人

小池水澈似磨鏡秋月沉波浸寒影乾坤清氣
許誰知長照禪心清入定鉢盂降龍夜不眠潛
形出浴驪珠圓廣寒宮闕不可到波神共揖吳
剛仙

唐令題靈山二十景又題龕巖十景不能盡
錄

題呂仲善營丘山房圖 陳謨

稷下古諸姜營丘小洞房隣存鍾令宅里似鄭
公鄉亂後蓬蒿長春歸棗萼芳每從黃髮老最

朝少府記
卷之六
三六

譽白眉郎一室如函丈羣書自大方移床分竹
影掃壁散芸香輪鞅莓苔外息鷺几席傍歌商
懷考父玩易到羲皇建業看圖畫平川隔水鄉
參差多點染窈窕極蒼茫山勢元宗岱溪流想
釣璜高秋憑處踞何虎覓鷹揚

鍾令公讀書岳

滕 賓

巉巖石室漱江東昔隱唐官越國公勝迹不磨
遺像在書聲時落半天風

靈湖

前 人

岳竇中開一甕天蛟龍潛蓄此成淵盤旋石壁
水晶殿神物朝朝作雨煙

會昌漢仙巖

王明時

羣山迴合水滌旋聞道靈岩駐漢仙絕壁半空
滋綠蘚幽崖一線落青天石龍時噴峰頭雨棋
局閒消洞裏年名勝未酌登覽興老僧應咲臥
遊篇

又

湯 煥

綠洞封苔隱玉書漢仙曾此駐鸞車至今鷄犬

無鳴吹終古煙雲自卷舒絕壁駕天開一線斷
崖撐雨溜千渠山僧尚喜誇奇事咒石爭傳卓
錫初

又

前人

汨汨溪聲磴道邊煙巒林立競鮮研九還誰伺
浮丘鼎百轉仍逢華嶽蓮表裏嵌空渾礙日高
深迴首僅窺天神功鬼跡何年事欲問山靈更
惘然

安遠登南逕隘戍樓

董世彥

休道探三峽還驚對二嶠澗邊樓櫓出天外女
墻交冠蓋通閩粵風雲壯節旄千年闢重險一
線鎖南郊

又

前人

常年出幽薊山海萃材官詎意虔南徼還同塞
北看懸旌留夕照吹角耐霜寒却思經始日版
築向雲端

又

前人

遲回猿攫意此地怕登攀縹緲凌千仞分明控

百蠻柝聲臨晚急草色到秋閑何處傳飛檄將
軍夜渡關

又

前人

遐觀何壯偉一一見雄心百里千城在千門雨
露深題詩元倚杖籌策亦鳴琴他日思龔遂其
棠對碧岑

寧都金精山

孫勰

多病厭凡垢思欲求道真金精古福地中有超
世人駕言從之遊洗我千劫塵洞門無迴鎖松

竹四時春泉聲散風韻珩佩若有聞九微何耀
煜百和方氤氲稽首願乞靈縹緲如相親至妙
非言說蕭然清吾神大道本自然一悟不在勤
逍遙此巖下當自觀其身

送趙樞寺丞宰虔化

陶弼

路人南雲下如何輕解携人煙五嶺北星斗大
江西暖雪梅花樹晴雷巔石溪青衫欲無淚不
柰鷓鴣啼

篔簹谷

曾興宗

渭川千畝竹可比萬戶侯我有篔簹谷此豈爲
食謀南山與北山清絕真勝遊飛泉助蕭爽怪
石添清幽娛親自足樂捧檄良可羞日從抱節
君崎嶇經林丘有酒對爾酌得句爲爾謳共結
歲寒心肯學炎涼儔笑指親密友不獨王子猷
濛山 董 越

濛山

前人

濛頂出青州茶名徧宇宙誰知此山中亦有
雲竇旗舒穀雨餘芳櫛清明後風味如使君誰
云可輕售

蒼山

前人

昔人讀書臺曾傍金精構我曾訪秦荆落日荒
煙後陳迹已流水蒼苔翳靈根誰能一表識庶
以昭前聞

蓮花山 前人

蓮花自西來參差插天碧竝立對武頭東西表
封域杜陵賦仙掌退之詠如船安得移此花種
君賓幙前

凌雲山

前人

縣北凌雲山牙鼓舊名洞生豐長沛人安得此
先隴曾聞南漢銀亦冒神明後此恐其所從煩
君掃塵垢

青陽洞

前人

洞天三十六青陽不在書豈伊造化心欲秘還
吾廬神龍多此蟄花竹亦紛敷下土或焦枯頌
君此舞雩

瑞金東明觀

蘇軾

浮金最好溪南景古木樓臺畫不成天籟遠兼
流水韻雲璈常聽步虛聲青鸞白鶴蟠空下翠
草玄芝匝地生咫尺仙都隔塵世門前車馬任
縱橫

銅鉢山

羅洪先

層巒草樹隔煙村鷄犬人間寂不聞松籟夜歸
天外鶴樵歌曉散擔頭雲闕山西入都成畫綿
水東來盡有文眺罷忽懷陳石路仙踪欲問採
芝羣

錦江

劉克正

龍州府志 卷之九
三
一曲清溪萬古流，搖空長共玉蟾浮。
舟從金鑑空中渡，人在冰壺影裏遊。
銀漢倒翻宵亦晝，橫汾誰羨古來秋。
逍遙可有鳴夷子，散髮時時棹不休。

龍南玉石巖

鍾 仙

萬石結叢林，縈回鳥道深。
山高雲漠漠，洞古綠陰陰。
壁擁虬龍篆，崖懸鍾鼓音。
不須愁日暮，勝景且追尋。

又

凌 吉

歷覽山川勝，龍中玉石奇。
雙巖風景異，四壁畫圖垂。
日下天疑近，山空路轉欹。
懸虛千尺壁，謝客好題詩。

又

魏 觀

署舍依稀曉色蒼，行行下馬拂衣裳。
浮空野色長疑翠，出谷鶯聲巧奏簧。
潭引石泉通地脉，隙涵星斗見天光。
結盟欲作移家計，幾見芝田爨異香。

又

戴 記

暮暮蘿風細修修古洞秋清歌邀白兔散帶踞
蒼虬嶺外山原迥年來戰氣收咲談尊俎事洗
蘇一掀眸

石城雙巖飛瀑

黃廷鳳

兩年甫暇尋秋寺一路忻從遠岫行古磴龍
珠錯落禪關虎護石縱橫僧依蘿屋憑虛住松
挾濤聲夾道迎莫嘆塵纓無處濯巖前新水照
人清

又

前人

淑浦霜高菊吐花爲尋秋色到僧家傍巖掃石
衝飛葉立馬看雲過斷崖野外自能寬禮數山
中誰與說桑麻五龍留客逡巡醉歸路前汀滿
月華

又

吳正誼

夙昔懷名山幸作山中長緬聞雙巖竒撥冗一
探賞透迤郭門南綠岡聊直上夾嶺攢長松松
聲多清響板躋更窈窕漸入忽宏敞呀然絕壁
開卓立巨靈掌東西落珠泉噴沫幾千丈碧潭

下渟泓微風時澗漾紫芝襍蘭茗浴日金光蕩
幽禽翩忘機狎客隨偃仰跣趺坐其中忘却世
間想丹砂如可煉勾令我同往

仙姑嶺

前人

孤峯倚窓前葱蒨如解語微雨晚來過明月還
高舉邑小有餘閒逍遙步庭序呼童汲澗流新
茗聊自煮俯觀羣芳陰荇藻亂清渚仰瞻樹間
禽大小各有侶因念葑屋下能無失所處清輝
本娒人忽此攪予緒願回綺席光窮簷照機杼

又

熊懸官

波濯寒輝素影生幽人乘霽每孤征叫雲橫玉
依屏曉碎露明珠帶漏盈搗就玄霜春草賦飛
來環珮晚風輕漫憐秦女虛殘照留待蕭郎再
鳳鳴

太極觀

前人

坐隱幽篁蹟已深滿壺春色任浮沉橘中忽聽
黃冠語遼左空傳白鶴吟筆草雲涵當日綠露
臺月挂昔年陰雙鳧天外無消息一着殘棋冷

故岑

五龍巖

前人

山色玲瓏玉作池紅垂千尺起連漪半空煉石
懸金谷六月飛霜點客卮草綴冷珠浮碧落雷
掀晴瀑下平涓遙知龍去天池遠翠鎖寒流月
一枝

又

熊中

青壁巖巖瀑布流碧潭濺濺雪花浮自從龍蛻
遺雲石無復珠藏照古湫山合薜蘿朝似暝風

生洞壑夏疑秋與君剩有煙霞癖勝地聯同汗
漫遊

定南八景

章瑩

春江曲曲水粼粼風雨初收長綠蘋短棹莫辭
橫野渡巖前應有濟川人 右橫江雨過

昔日南來虎豹關仙人遙度翠微間而今農器
盈千陌鳥道層雲盡日閒 右仙嶺雲封

玉井花開漾碧漪香生到處襲人肌元公遺愛
由來久時有清風動後思 右蓮塘風細

百尺浮屠障碧瀾江流終日共盤桓祥光一點
 非煙霧為染文章上筆端 右江塔煙橫
 華峰西峙鬱青葱縮地何人有此功自識希夷
 真隱處商山不羨紫芝翁 右西華晴嵐
 花風相送鳥相呼偶到禪林俗慮無小酌不須
 催月上一泓潭影即冰壺 右東禪月影
 九折羊腸路欲迷行人愁聽鷓鴣啼年來周道
 平如砥盡日春陰逗馬蹄 右魚涇清陰
 巨鰲天外聳奇觀五色雲霞簇錦紉中有桃花

千歲遊人疑作武陵看 右龜山宿

長寧 山樓

戴 紀

鳥道縈紆萬壑東新城百雉隱穹 窿白旄
 中丞略赤膽前籌舊守功關塞雲開山沆莽
 樓天淨日曛隴迂儒褰覽無窮思徙倚危欄
 夕風

又

前人

溪山迴合敞孤城星散村墟舊虜 入
 皆赤子解懸千里是蒼生遙凌疊

章少乃言
章州乃言

卷之十九

五

倚■空睥睨
經始獨憐新茂
昇平

